



CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
DEC 5 1952

13

T 7903/2955(13)





方

六鬱湯

越麴丸

升陽散火湯

心統三香連丸

潤喉散

木香檳榔丸

桃仁川芎丸

青娥丸

香連丸

五檉丸

升發二陳湯

芳藥香附丸

蒼莎丸

加味三陳湯

金丸

溢膽湯

生韭飲

哈佛大學
圖書館
珍藏印

羌活勝濕湯

醫案

卷之二十七目錄

欬逆門

病機

欬逆敘論

欬逆既逆自有所別

欬逆與噦證不同

欬逆非噦故不從寒屬火

欬逆噦有手足經標本之分

治法

治欬逆宜降火順氣為先

治法速效

藥方

治欬逆清涼方劑

橘皮竹茹湯

小半夏湯

大承氣湯

小柴胡湯

麥門冬竹茹湯

瀉心湯

欬逆溫熱諸方

柿蒂湯

半夏生姜湯

橘皮乾姜湯

丁香散

木香調氣散

理中湯

人參白朮湯

元活附子湯

丁香柿蒂散

丁香湯

吐劑

古今醫集卷之二十七目錄

四

稀涎散

青白散

人參蘆湯

倉鹽湯

易簡方

煎法

附梅核氣證

病機治方

加味二陳湯

法製硝糟湯

噎膈

病機

內經敘論

噎膈為神思間病

噎病生於血乾

五噎五噎總是七情之氣鬱於胃口不

噎膈病多是屬火與痰

三因五噎

治法

治噎膈氣化

治噎膈每用燥熱藥

不治證

藥方

五噎散

生薑汁煎

五噎寬中散

茯苓膏

沉香散

人參豆蔻湯

春雪膏

綠雲散

枇杷葉煎

五噎散

瓜蒌實丸

嘉禾散

降氣潤下劑

人參利膈丸

昆布丸

利膈化痰丸

調胃承氣湯

化滯丸

導氣散

潤腸膏

奪命回生丹

紫蘆飲子

蘓青丸

透膈湯

沉香開膈散

十噎散

大力奪命

枳木二陳湯

五噎丸

通中散

剪紅丸

易簡方

灸法

卷之二十八目錄

翻胃門

病機

翻胃敘論

翻胃病先因濕熱後變虛寒

治法

治翻胃病先調氣養胃

治翻胃有寒熱之辨

藥方

大半夏湯

大黃甘草湯

荊黃湯

青鎮丸

金花丸

和中桔梗湯

木香散

茯苓澤瀉湯

利膈丸

養胃湯

太倉丸

安脾散

丁香者散

韭白粥

嬰粟粥

千轉丹

甘露湯

大効散

化鐵丸

丁香餅子

奪命回生散

紫蘓飲子

蘓青丸

秦川剪紅丸

玉浮丸

加味青金丹

厚朴丸

沉香不二丹

半夏厚朴湯

入藥靈砂丸

靈砂玄明散

參橘湯

青金丹

紫沉丸

撞氣阿魏丸

敵痰丸

易簡方

灸法

卷之二十九目錄

否滿門

病機

否滿敘論

傷寒否滿要審下不
否為執證
否滿屬血者不可專執於氣
否滿乃土邪為病與脹滿不同

治法

治否滿有虛實補瀉之異諸瀉心湯有標本寒熱之殊

否滿治例

治案

藥方

否滿通治諸劑

七氣湯

大消否丸

厚朴溫中湯

木香化滯湯

東垣黃連消否丸

拔萃黃連消否丸

尖笑丸

木香順氣湯

黃芩利膈丸

丹溪枳木丸

橘皮枳木丸

茱連丸

治否滿理氣諸方

桔梗枳殼湯

檳榔丸

三皖否氣丸

瀉熱散寒治否諸方

大黃黃連瀉心湯

附子瀉心湯

半夏瀉心湯

生薑瀉心湯

甘草瀉心湯

大陷胃湯

小陷胃湯

破氣湯

括婁實散

加味陷胃湯

括婁韭白飲

開結積實丸

木香消石丸

加味補中益氣湯

易簡方

古今醫統大全卷之二十五

新安徐春甫編集

瘟疫門

病機敘論

經曰冬傷於寒春必病瘟。瘟疫當推運氣所發

巢氏病源云春氣溫和夏氣暑熱秋氣清涼冬氣冰寒此四時正

氣之敘也冬時嚴寒萬物收藏君子固密則不傷於寒觸冒之而

即病者為傷寒不即病者為寒毒感於肌膚中至春變為瘟病至

夏為熱病是以辛苦之人春夏必有瘟病者皆由冬時觸冒之所

致也凡病傷寒而成瘟者先夏至日為病瘟後夏至日為病暑其
冬復有非節之煖是為冬瘟冬瘟為病非其時而有其氣者冬氣
嚴寒君子當閉密而反發泄於外者為冬不藏精春必病瘟

丹溪云衆人病一般此天行時疫

瘟病者春時天道和煖患壯熱口渴而不惡寒者是也

瘟疫病者其病與時氣瘟熱等證相類皆由一歲之內節氣不和
寒暑乖候或有暴風疾雨霧露不散則民多痘疫病無少長率皆
相似如有鬼厲之氣故云瘟厲病

黃瘟者由邪氣鬱結不散或失於汗解或汗後不解猶邪熱深鬱
於胃中小便不利舉發為黃遍身如檉枳故曰黃病

瘟疫傳經與傷寒證同

一日太陽受病邪在皮膚故頭項強腰脊強○二日陽明受病邪
在肌肉故身熱鼻乾不得眠○三日少陽受病故胃脇痛而耳聾
四日太陰受病故咽乾腹滿○五日少陰受病故口熱舌乾而引
飲○六日厥陰受病故煩滿而陰陷七日六經傳變法當愈其不
愈者邪氣未除而欲再傳經重受病也

病瘟勞役者難治

巢氏云凡瘟毒病新瘥脾胃尚虛穀氣未復若作勞妄動傷力并
食猪羊雞犬魚膾炙博肥膩生果麪食硬澁難消之物停積腸胃
膈悶腹脹便秘或太吐太下重復發熱病作不可救也

溫病陰陽交者不治

評熱論篇帝曰有病溫者汗出輒復熱而脉躁疾不為汗衰狂言不能食病名為何岐伯對曰病名陰陽交交者死不治

不循亂經妄走而熱 所以不息也故死

瘟病陰陽易者不治

陰陽易病者是男子婦人瘟病新瘥未平復而相交合因而病復者名為陰陽易也男子病新瘥未平復而婦人與之交接得病者名陽易婦人病新瘥未平復男子與之交接得病者名陰易若二男二女並不相易所以呼為易者陰陽相感動其毒度著與人如換易也其證身熱頭重四肘拘急小腹疔痛者即死其病勢緩者

違歲月亦死

脉候

太陽脉太○陽明脉絃長○少陽脉絃數○太陰脉絃細○少陰

脉沉○厥陰脉微緩○脉陽濡弱陰絃緊更遇溫氣變為瘟疫○

病瘟而脉洪大者可治○脉洪而數者危○兩寸浮大按之無力

者宜補兼表○大熱而脉沉澁細小是冷者不治○瘟病四五日

體熱腹滿而吐脉來細而強十二日死○瘟病二三日頭痛腹滿

飲食如故脉直而疾八日死○瘟病八九日頭身不痛目不赤色

不變而反利脉不澁澁按之不鼓手時大心下堅十七日死○瘟

病汗不出出不至是者死○厥逆汗自汗脉堅強急者生虛軟者

死○瘟病下痢腹中痛甚者死

治法

瘟病發汗與傷寒不同

瘟因春時溫氣而發初非傷寒於表也此因鬱熱自內而發於外故宜辛平之劑以發散之况時令已煖更不可用麻黃所以與傷寒發表不同也

瘟病用三因治法權輕重用方最効

凡瘟病發於三陽者多而三陰者少脉浮頭痛發熱者大陽也宜

人參羌活散加葛根葱白生姜紫蘓汗之自汗身痛者**元味羌活**

湯脉尺寸俱長鼻乾不眠而躁者陽明也宜**葛根解肌湯****味參**

飲汗之脉尺寸俱絃數胃脇痛而耳龍**少陽**也**小柴胡湯**主之○

大頭瘟為天行邪氣客於太陽陽明少陽之經頭目俱腫而為病

也○太陽病發於頭上并腦後下項及自後赤腫者是也治宜**升**

防敗毒散羌活藁本行經○陽明病發於鼻額并二目不開及面

部者是也或熱氣喘口乾舌燥咽喉腫痛不利脉數大者**普濟消**

毒飲若內實熱者**防風通聖散**間服之○少陽病發於其之上下

前後并頭角紅腫者是也若肌熱目腫潮熱或寒熱往來口苦咽

乾目痛會脇滿悶**小柴胡湯**加消毒之藥

三陽經俱受邪併發于頭面耳鼻者以**普濟清毒飲**或**通聖散**消

毒散外用清涼救苦散敷之

治大頭瘟不宜速攻則邪氣不伏反攻於內而傷人也且頭空虛之分既着空虛則無所不至也所以治法當先緩而後急則邪伏也緩治以清熱消毒虛者兼益元氣胃虛食少者兼助胃氣內實熱盛者大便秘結以酒浸大黃下之乃宣熱而泄其毒也此五先緩後急之法若先從鼻腫次腫於目又次腫於耳至頭上絡腦後結塊則止不散必出膿而後愈

蝦蟆瘟 天行邪氣客於少陽頸項并腮俱腫大如蝦蟆樣者故名

蝦蟆瘟宜用風熱藥解毒丸間下之外以側柏汁調蚯蚓糞敷之大頭蝦蟆之候尺因風熱濕邪在於高顛之上宜敗毒散加羌活黃芩酒浸大黃隨病加減不可峻用降藥雖有硝黃之劑必細細

呷之大抵攻之太峻則邪在上自如無過之地及受其害也

疫病發狂妄語身大熱而赤者調胃承氣湯下之

疫病發熱頭痛身疼見風惡寒脈浮數者必得大汗而後愈用以

羌活神木湯 方見傷寒門 天氣溫暖加麻黃葛根煩躁加石膏

秋月感瘟疫者宜白虎湯加蒼朮

疫病頭汗出而發黃者五苓散倍加茵陳汗下後餘熱不解不可

復攻惟以柴胡清之。煩躁而渴者宜白虎湯水漬法

陶尚文治疫只在少陽者小柴胡加防風羌活微發之而愈經陽

明者紫根二方合服之若見太陽證大便泄者以小柴胡湯去黃芩對五苓散尤當看脈寒熱若無寒去桂留芩

小便不利是膀胱本病小柴胡加五苓散去桂用

入太陰無熱證見者用理中湯此證必腹痛而瀉明日瀉止痛止

仍用小柴胡和之。入少陰厥陰之經用陰證傷寒傳經法治

如着疫病未知端的且先以敗毒散治之看歸何經再隨經施治

無不効者

春感清氣無汗惡寒發熱為瘟疫通用升麻葛根湯

春感清氣發熱而渴不惡寒解肌湯葛根黃芩芍藥麻黃桂枝甘

草大棗煎服

春瘟發熱身痛咳嗽口渴渴脈浮洪而熱甚者小柴胡湯加桂枝治

嗽加五味子渴去半夏加天花粉人參脈實宜大柴胡湯下之

渴加知母石膏

瘟病尺寸脈俱浮素傷於風因而傷熱風熱相搏其證四肢不收

身熱自汗頭痛喘息發渴昏睡或體重不仁慎勿發汗汗之則謔

語煩躁目昧無精光病在少陰厥陰二經宜姜桂湯合敗毒散

葛根龍膽湯小柴胡湯甚者瓜實葛根湯脈浮身腫汗出者漢防

已湯誤汗者以白雲湯

四時傷寒疫厲或傷風有汗或風濕身腫體痛惡風口乾日晡潮

熱脈實並用人參敗毒散夏因熱而反寒寒夏及秋初而為暴寒

折於盛暑熱結四肢則壯熱頭痛宜金葉散治之

瘟疫六七日不解以致熱入血室反發黃身如烟薰目如金色口

燥而熱結以**夜翳曲池**出惡血仍以**通聖散**兼散兼下如汗如黃水糞如黑膏者而速愈

凡溫疫病八九日而熱不退發斑發黃及氣飽逆上等證雖大便通而脈不甚浮緊者率可以**承氣**合服而下之

瘟疫病發狂不知人**大柴胡湯**加當歸泄者**三黃石膏湯****柴胡湯**

疫病胃膈滿悶小柴胡加枳實橘紅黃連大便不通**大柴胡湯**微

利之不可峻下作渴者**小柴胡**加石膏知母濕溫加**蒼朮白虎湯**

發黃者**柴苓湯**去桂用未退用**茯苓滲濕湯**

藥方

治疫證有三法**宜補****宜散****宜降**用**六黃****黃連****黃芩****桔梗****蒼朮****防風**

滑石香附子人中黃等分為末神麩糊丸每服五七十九氣虛四

君字血虛四物痰二陳湯送下熱甚加童便

一方用人中黃一味飯丸白湯下六七十丸多効

製人中黃法俗多謂人中黃人糞是也人多有以糞汁清頓服二三碗而病隨愈但恐穢臭特甚不能下咽故丹溪製

此人中黃法冬月以竹筒一段割去青兩頭留節一頭打通一窠以大甘草為末內竹筒中以木塞其孔周密投糞缸中浸二三月取出晒乾收貯待用大能治瘟疫毒

瘟疫通治綱

敗毒散 治四時瘟疫

羌活

獨活

前胡

柴胡

川芎

枳殼

桔梗

白茯苓

人參 各等分

甘草 減半

右咀每服五錢水盞半姜三片煎一盞温服或為細末沸湯點服此藥治傷寒瘟疫風温風眩四肢痛增寒壯熱項強睛痛不問老人小兒皆可服或嶺南烟瘴之地或瘟疫時行或人多風痰或處卑温之地脚氣委弱此藥不可缺日三服以効為度
活人心統方

蒼朮 米泔浸一宿

麻黄

黄芩

乾葛

川芎

升麻

甘草 各等分

葱白

右水二盞姜三片煎八分食前服春加柴胡防風薄荷夏加石膏滑石黃連秋加羌活前胡枳殼冬加姜桂白芷細辛

藿香正氣 傷寒二百四十三

九味羌活 日百九十九

藿香正氣散

治時行瘟疫頭痛發熱惡心不快

九味羌活湯

治同前 二方並見傷寒門

凡瘟疫初起之時用正氣羌活二湯皆可服未病之先覺有時行或三四日服一貼則邪氣自不犯

六神通解散

通治疫病甚有奇效

蒼朮 二錢

麻黄

黄芩

石膏

滑石 各一錢

甘草 五分

豆豉 十粒

水二盞姜七片葱頭二箇煎服

雜著方 治嶺南春秋時月人感山嵐毒氣發熱惡寒甚滿不思食此毒氣從鼻口入內當清上焦解內毒行氣降痰不宜發散

黃連 姜汁炒

升麻

蒼朮 鹽水炒

厚朴 姜炒

黃芩 酒炒

木香

枳實

半夏 治七次

栝梗

柴胡

木通 各一錢

生甘草 五分

水二盞姜五片煎七分食前熱服

羌活升麻湯 治溫暑之月時行瘟疫熱病宜清熱解毒兼治內外

羌活

升麻

葛根

白芍藥

人參

黃芩 各一錢

黃連

石膏

甘草

生地黄

知母 各七分

水二盞姜三片棗一枚煎八分溫服

羌活柴胡湯 治一切時行感冒疫氣額南瘡癰

羌活 一錢

柴胡

蒼朮

黃芩

陳皮

半夏

枳實

甘草 炙

川芎 各七分

水盞半姜三片煎七分食前稍熱服取微汗

十神湯

治時令不正瘟疫妄行 升麻葛根湯

治大人小兒時

氣瘟疫發熱頭痛 柴胡升麻湯

治時行瘟疫壯熱惡風體痛頭

疼鼻咽乾咳嗽吐涕稠粘 並見傷寒門

聖女子

治冬行瘟疫 方見瘴氣門

五瘟丹

黃黃芩

黃檗

黃連

山梔

香附子

紫蘓

甘草稍

大黃

右七味生為末將大黃三倍煎滾湯去香和丸藥如雞子大硃砂雄黃為衣金箔貼母一九取泉水七碗浸化可服七人前藥

乙庚年黃芩為君丁壬山梔為君丙辛黃檗為君戊癸黃連為君甲己甘草稍為君為君者多一倍也餘四味與香附紫蘊為臣者減半也

東垣普濟消毒飲子

元泰和二年四月民多疫厲初覺增寒壯熱體重次傳頭面腫盛目不能開上喘咽喉不利口乾舌燥俗云大頭傷寒諸藥難治終莫能愈漸至危篤東垣曰身半已上天之氣也邪熱客於心肺之間上攻頭面而為腫耳須用下項藥共為細末半用湯調時時服之半用蜜丸噙化服盡良愈活者甚眾時人皆曰天方謂天仙所製也遂刻諸石以傳永久

黃芩 半兩 酒炒

黃連 半兩 酒炒

人參 三錢

陳皮 去白 二錢

甘草 二錢

連翹 一錢

玄參 二錢

傅蠶 七分 炒

升麻 七分

柴胡 八分

桔梗

板藍根

馬勃 一錢

鼠粘子 一錢

右為末服如上法或加防風川芎薄荷當歸細辛水二盞煎一盞食遠稍熱服如大便硬加酒煎大黃一錢或二錢以利之腫熱甚以砭鍼刺之

蘊荊防敗毒散 治天行時疫發散瘟邪

荊芥

防風

羌活

獨活

前胡

枳殼

人參

茯苓

薄荷

甘草

川芎

牛旁子

桔梗各等分

水煎服內執加黃連渴加天花粉

活人

生庵金汁

治時疫熱病傷寒發狂謔語晦味并治中蠱惡毒疔

瘡毒氣入腹欲死者服之即愈冬月內用好人糞置篋囊中其

囊約大可盛糞一桶先於囊中安紙五七層紙上加細黃土約

二寸厚方可加糞於囊中囊懸置於缸上俟其糞滴清汁於缸

內瀝月餘將清汁收貯磁罈中約有一斗加入蜂蜜一斤和勻

密封罈口外以箬裹埋於土地中以上蓋之約入土一尺許次

年二三月取用治熱病瘟疫病神效每用一碗頓服之如擦惡瘡

將雞翎掃之醮汁瘡上即消

養方

治瘟疫初作必先服心統方并麻黃胡湯六神通解等湯熱服被

覆取汗如不汗再一服有汗為度如難汗可用麻黃一握煎沸湯

一盆令病人仰卧曲膝將沸湯盆放曲膝下空處却將夾被連頭

覆之汗即出俟周身透足底濕漉然為度

三黃石膏湯 治疫厲大熱而躁

石膏生三錢

黃芩

黃柏

黃連

豆豉半合

麻黃八分

梔子五枚打碎

水二盞煎一盞連進三四盞則愈

太神木散 治四時瘟疫頭項強寒熱身痛專主山嵐瘴氣

蒼朮

厚朴

陳皮

甘草

石菖蒲

藿香各一錢

水盞半姜三片束一枚煎八分服菖蒲加香附名神木散氣

黃連解毒湯 治時疫以經汗解或因飲食復劇大熱煩悶乾嘔

口燥呻吟錯語不睡方見火門

竹葉石膏湯 治時病傷寒疫厲表裏俱虛發熱心煩已得汗解

內無津液少氣欲吐方見暑門

瘟疫發斑劑

升麻葛根湯

升麻

芍藥

葛根

甘草各等分

右水煎甚加玄參去芍藥葛根名升麻湯

人參白虎湯 治熱毒疫深內外結熱舌卷鼻黑如煤狂言面赤

發斑如錦五日可治六七日不可治宜陽毒升麻湯方見傷寒門有

瘟疫發斑身無熱煩渴大便實者宜調胃承氣湯方見傷寒門

黑奴丸 治陽毒發斑煩躁大渴時瘟疫六七日未得汗脉洪大

或數面赤目脹身夜熱躁狂言欲走口噤難言為壞傷寒醫所

不識棄為死人心前溫煖灌下即活

麻黃

黃芩

釜底煤

灶突墨

梁上塵

小麥奴

大黃

芒硝各等分

右為末蜜丸彈子大新汲水化開服飲水盡之當發寒寒已汗

出乃瘥若時頃不出汗再服一丸須見微利若不大渴不可服

瘟疫發黃劑

亦可与傷寒發黃方參用

雜著茵陳梔子湯 時氣發熱變為黃病所謂瘟疫黃宜瀉濕利水

茵陳

梔子炒

黃芩炒

白朮

白茯苓

白芍藥

厚朴

葛根

木通各錢半

木香

人參各一錢

加姜水煎服

茵陳散 治熱病發黃目如金色小便如血心煩悶口苦乾頭痛

茵陳

梔子

木通

天花粉

柴胡

秦艽

麥門冬

甘草各等分

水盞半竹葉十箇煎七分溫服

茵陳五苓散 治瘟疫熱鬱發黃身如烟薰眼珠皆黃小便不利

宜用此大便秘結加大黃脉浮弦身體痛往來寒熱時有咳嗽

鼻乾脇痛無汗嗜臥身目悉黃小便短者用**柴胡**加梔子主

之本方調**益元散**亦可已上諸方見傷寒門

疫厲文下劑

大柴胡湯 治瘟疫內熱大便難病後五六日不惡寒反惡熱

大承氣湯 治瘟疫五六日不大便腹痛煩滿少陰乾舌燥

調胃承氣湯 治太陽陽明不惡寒反惡熱嘔噦謔語三方見傷寒門

直大青丸 治時行瘟疫發熱上鬲結熱

薄荷

梔子

黃芩

黃連

甘草 各三錢

連翹 六錢

大黃

玄明粉 各八錢

右為細末用青蒿自然汁為丸菜豆大雄黃為衣治雜病發熱者朱砂青黛為衣每服五六十九白滾湯送下

和子 濟川散

治濕熱發黃大小便不通

聖方見 舟車丸 積聚門

大頭瘟附方

東垣 二黃湯 治大頭天行時疫

黃芩 酒炒

黃連 酒炒

生甘草 各等分

每服五錢水盞半煎八分溫服徐徐呷之如未退加鼠粘子芒硝煎時時細服毋令飲食未已再服取大便邪氣已即止煎

方宜加引經藥陽明渴加石膏少陽渴加括葉根陽明行經

麻芍藥葛根甘草 **太陽** 行經甘草荆芥防風並與上藥相合用

或云頭痛酒岑口渴葛根身痛羌活防風芍藥俱宜加之

集通 聖消毒散

治時行疫厲頭面腫盛目不能開鼻塞口乾舌燥

內外有熱或咽喉腫痛不利或內實大便不利煩躁脉洪數

防風

荆芥

牛旁子

甘草

川芎

當歸

芍藥

黃芩

薄荷

梔子

桔梗

滑石

麻黃

增寒拘急無汗脉浮數者用之

連翹

芒硝 便實者加之

大黃

酒浸之能上行內實大便堅硬用內虛便溏者不可用

右水煎溫服細呷之

漏蘆湯

治時毒頭面紅腫咽噎堵塞水藥不下若藏府素有積

熱發為腫毒疙痞一切紅腫惡毒

漏蘆 二錢

升麻 錢半

大黃 酒浸量輕重用之

黃芩 酒洗五分

生甘草 一錢

藍葉 如無用青黛

黑玄參

牛旁子 炒研

苦梗

連翹 各一錢

水煎服大利結者加芒硝

清涼救苦散 治大頭瘟腫甚者以此藥敷之

芙蓉葉

霜桑葉

白蘞

白

大黃

金線重樓

黃連

黃芩

黃柏

白芷

雄黃

芒硝

山茨姑

赤小豆

南星 等分

右為末蜜水調敷腫處以翎頻掃之

萬病解毒丸 方見中

生薄荷汁磨服半錠半錠磨敷腫處

綠散 治疫病咽喉腫痛

青黛

硼砂

山豆根

消石

冰片

紫河車

玄明粉

等分為末吹入喉

甘桔湯 治冬溫咽喉腫痛 方見咽喉門

姜蕤散 治冬溫頭面腫

姜蕤 二錢半

麻黃

杏仁

白薇 各一錢

石膏 錢半

川芎

羌活

甘草

甘菊花 各一錢

青木香 五分

水二盞煎一盞日三服

石葦散 治瘟疫小便不通

石葦 去毛

藎麥 各一兩

木通

甘草 炙

條黃芩 各半兩

葵子 三合

加燈心水煎空心溫服

雞子清飲 治熱病五六日壯熱之甚狂言欲走

雞子 二枚 取清

芒硝 細研

寒水石 細研 各

右先新汲水一盞調芒硝等末次下雞子清攪勻分二服

易簡方

一方 瘟熱八九日後已無汗下熱不退口渴咽乾欲飲水者即

以六一泥

即坵 胡糞

不拘多少搗新水飲之又方以晚蠶砂搗水濾

清與飲之熱甚者以青布凉水浸過畧搗乾置患人背上以兩

手心按之良久布熱易之須臾當汗如水出皆涼汗也而或患

人作戰皆欲汗欲愈若寒戰以被覆之汗出後則不戰而愈

一方 治天行疫厲宜 **取桃衣末** 到煎湯浴潔以席圍出汗

一方 治天行時氣宅舍怪異 **降真香** 燒焚大避邪氣屢驗亦能

召鶴小兒帶之能避惡邪

一方 治疫厲時行用 **赤豆** 以新布囊盛之置井中三日夜取

起舉家用井水面東立男子吞下三十粒女人吞下二十粒連

服三日止而疫不敢染

治瘟疫呪法 并治邪病用 **素** 一枚呪曰華表柱念七遍望天罡

取氣一口吹素上令病人爵吃湯水任下此三字鬼之祖名也

官聖避瘟丹

孔平仲云邪氣氤氳才冒不流行而為病故軫念世人設此方以濟世使趨吉避凶不致大橫孔氏繼今六十餘代用之

法以臘月二十四日五更初取并花水在平旦第一汲盛淨器中量人口多少漫乳香至歲旦五更令溫暖從小至大每人以乳香湯飲之香一小豆塊吞下則一年不患時疫

古今醫統大全卷之二十六

欬鬱證門

病機

鬱證敘論

內經曰木鬱達之火鬱發之土鬱奪之金鬱泄之水鬱折之然調其氣過者折之以其畏也

啟玄子曰木鬱達之謂吐之令其條達火鬱發之謂汗之令其疎散土鬱奪之謂下之令無壅碍金鬱泄之謂滲泄解表利小便也

水鬱折之謂抑之制其衝逆也

滑氏曰木性本條達火性本發揚土性本沖和金性本肅清水性

本流通五者一有所鬱斯失其性矣**達發奪泄**折將必治其鬱而
遂其性也

王安道曰凡病之起多由於鬱鬱者滯而不通之義或因所乘而
為鬱或不因所乘本氣自病鬱者皆鬱也豈惟五運之變能使然
哉鬱既非五運之變可拘則達之發之奪之泄之折之之法固可
擴而充之矣可擴而充其應變不窮之理也歟且夫達者通湯之
也如肝性急怒氣逆肝脇或脹火時上炎治以苦寒辛散而不愈
者則用升發之藥加以厥陰報使而從治之又如久風入中為痰
泄及不因外風之入而清氣在下為痰泄則以輕揚之劑舉而散
之凡此之類皆達之之法也王氏以吐訓達不能使人無疑以其

肺金盛而抑制肝木歟則瀉肝氣舉肝氣可不吐也以為脾
胃濁氣下流而少陽清氣不升歟則益胃升陽可矣不必吐也雖
然木鬱固有吐之之理今以吐字總該達字則凡六鬱皆當用吐
矣其可乎哉至于東垣所謂食塞肺分為金與土旺于上而剋木
夫金之剋木五行之常道固不待夫物傷而後能也且為物所傷
豈有反旺之理若曰土去其物以伸木氣乃是及為木鬱而施治
非為食傷而施治矣夫食塞胸中而用吐正內經所謂其高者因
而越之義耳不勞引木鬱之說以及之也四鬱皆然

諸病有鬱治之可開

戴氏曰鬱者結聚不得發越也當升不升當降不降當變化不得

古今醫統卷之二十一
變化故傳化失常而鬱病作矣大抵諸病多有兼鬱者或鬱久而
生病或病久而生鬱或藥雜亂而成鬱故凡病必參鬱治

鬱證大率有六

丹溪曰氣血冲和百病不生一有鬱悌諸病生焉鬱證大率有六
曰氣鬱膈脇疼痛曰血鬱四肢無力能食便血曰痰鬱周身走痛或關節疼痛曰食鬱動則喘
而發脈沉而細曰熱鬱昏悶煩心尿赤曰寒鬱脈沉而數曰濕鬱腹
息脈沉滑曰血鬱四肢無力能食便血脈沉而孔曰痰鬱腹
飽不喜飲食左手脈平右手脈緊或七情之邪鬱或寒熱之交侵
故為九氣悌鬱之候或雨濕之侵凌或酒漿之積聚故為留飲濕
鬱之疾又如熱鬱而成痰痰鬱而成癰血鬱而成癥食鬱而成痞

滿此必然之理也

脈候

鬱脈多沉伏○或結或促或代

診家樞要云氣血食積痰飲一有留滯于其間脈必因之而止節
矣但當求其有神何害之有夫所謂有神者即經所謂有胃氣也

治法

經治五鬱

帝曰鬱之甚者治之奈何岐伯曰然調其氣過者折之以其畏也

所謂瀉之

滑氏云調氣過折以其畏此治鬱之法也謂欲調其氣
當抑其過者而折之以其所畏蓋以鬱之為鬱也或內
或外或在氣或在血必各有因治之之法或汗或下或吐或利各
當求其所因而折之夫如是鬱豈有不畏乎故下總之曰所謂瀉

之之義可見矣不必執以

連之為吐痰之為汗云也
王安道曰如水鬱折之折者制禦也伐而剉之也漸殺其盛也如
腫脹之病水氣滯溢而滲道以塞夫水之所不能勝者上也今胃
氣衰弱不能制之故反受其侮治當實其脾土資其運化俾可以
制水而不敢犯則參道而後愈或病勢既旺非上法所能透制則
用瀉水之劑伐而剉之或去宛陳莖開鬼門紫淨府三法備舉迭
用以漸平之至王氏所謂抑之制其冲逆正欲折剉其泛溢之勢也
夫實土者守也泄水者攻也無三治者廣畧而決勝也守也攻也
廣畧也雖俱為治水之法然不審病之虛實久近淺深雜焉矣施
其不傾踣者鮮矣夫五鬱之病故有法以治之然邪氣久實正氣
必損今邪氣雖去正氣豈能遽平哉苟不平調正氣使各安其位
復其常于治鬱之餘則猶未足以盡治法之妙故又曰然調其氣
首調之而其氣猶未服而或通則當益其所不勝以制之也未過
者當益金金能制木則木斯服矣所不勝者所畏者也故曰過者
折之以其畏也夫制物者物之所欲也制于物者物之所不欲也
順其欲則喜違其欲則惡今
逆之以所惡故曰所謂寫之

久病者當無解鬱

諸病久則氣滯血凝而成鬱結治之雖各因其證當無之以解鬱
固不可不知也鬱滯一開則氣血通暢而諸病各自以其方而易
愈也今之病久每每用本病之藥而不奏效者皆其鬱之之故也
醫者殊不悞此治之弗效妄變他方愈變愈訛而病遽矣此鬱之
為治也亦不容以少緩當為醫者之熟知也

鬱為七情之病故病鬱者十有八九

何氏曰鬱為七情不舒遂成鬱結既鬱之久變病多端男子得之
或變為虛怯或變嘔噎氣滿腹脹等證婦女得之或為不月或為
墮胎崩帶虛勞等證治法必能內養然後鬱開按證調理

心鬱者神氣昏昧心腎微悶主事健忘者是也治心鬱者當加黃

連菖蒲香蓮丸之類

膽鬱者兩脇微膨或時刺痛噯氣連連有聲者是也治肝鬱者宜用青皮川芎吳茱萸左金丸之屬

脾鬱者中脘微滿生涎少食倦怠嗜卧四肢無力者是也治脾鬱宜用蒼木半夏砂仁神麩陳皮越麩丸之屬

肺鬱者毛皮枯澀燥而不潤欲嗽而無痰者是也治肺鬱者桔梗瓜萸杏仁之類

腎鬱者小腹微硬腰腿重脹精髓虧少淋濁時作不能久立者是也治腎鬱者宜用蒼木茯苓肉桂小茴香青娥丸之類

膽鬱者口苦身微潮熱往來惕惕然人將捕之口是也治膽鬱者宜

用竹茹生姜溫膽湯之類

六抵七情六淫五藏六府氣血痰濕飲食寒熱無往而不鬱也治之宜各求其屬而施之則無不愈者

藥方

氣鬱用木香青皮香附為君撫芎橘葉為臣檳榔厚朴為佐使

血鬱用槐仁牡丹皮

索為佐使○痰鬱用海石括萸為君南星貝母為臣香附陳皮玄

明粉為佐使食鬱用神麩砂仁麥芽為君山查香附為臣陳皮半

夏為使生薑甘草為佐○濕鬱用蒼木茯苓為君羌活川芎為臣

茵陳猪苓為佐使○熱鬱用黃連山梔為君青黛條苓為臣甘草

乾葛為佐使。○諸鬱藥春加防風紫蘆夏加苦參黃連秋加吳
茱萸。○凡鬱在中焦以蒼木撫芎開提其氣以升之。假令食在氣
上氣升則食降餘倣此。

婦女諸鬱須以川芎香附子。○蒼木撫芎香附子總解諸鬱。

香附子 氣溫味辛苦能橫行膏臆故能解
諸鬱必用童便浸焙乾用否則燥

撫芎 即藤蕪芎苗頭小箇是也其
氣味辛行榮而上走故能散鬱

蒼木 善能走散佐以防風莖本能上行
佐以香附牛膝能下行故能散鬱

丹六鬱湯 能解諸鬱

陳皮 去白
一錢 半夏 炮

赤茯苓 梔子 炒各
七分

蒼朮 撫芎 各一
錢

香附子 二錢 炙甘草 五分

砂仁 研五
分 右水二盞姜三片煎一盞溫服 氣鬱加烏藥

木香 檳榔 紫蘆 乾姜 倍香 附砂仁 濕鬱加蒼白朮 熱鬱加

黃芩 倍梔子 痰鬱加南星 枳殼 小皂莢 血鬱加桃仁 紅花

牡丹皮 食鬱加山查 神麩麥芽

芟山五鬱湯 能解諸鬱

香附子 君 川芎 青皮 臣 梔子

神麩 佐 甘草 使

水盞半姜三片煎八分食遠服對證加藥法如六鬱湯

丹越麩丸 能解諸鬱

神麩 炒 香附子 製 蒼朮 浸 芎藭

山梔炒各 右為細末水丸菜豆大每服五七丸溫水下

東火鬱湯 治五心發熱屬火鬱方見大門 升麻散火湯 治執鬱方見大門

丹升麻二陳湯 治痰鬱火邪在下焦大小二便不利此藥能使大便潤而小便長

陳皮去白 撫芎 茯苓各一錢 半夏一錢

升麻 防風 甘草 批胡各五分

水盞半姜三片煎一盞溫服

心香連丸 治久鬱心胃不快痞塞煩痛

川黃姜炒 香附子製朱 右為末神麩糊為丸梧桐子大每服五七丸白湯下

芍藥炒 香附子製各一兩 蒼朮五錢 片苓三錢

甘草二錢 右為末蒸餅丸服

集芍藥香附丸 治久病陰虛鬱內熱夜甚

集潤喉散 治氣鬱夜熱咽乾哽塞

桔梗 川芎 香附子各三錢 紫河車四錢

百藥煎七錢半 甘草三錢 右為細末舐服

蒼朮丸 治氣鬱

蒼朮 香附子各四兩 黃芩一兩 木香五錢

右為末蒸餅丸姜湯下

局木香檳榔丸 治氣鬱食鬱胃脹痞滿大便結滯方見積聚門

局木香檳榔丸 治氣鬱食鬱胃脹痞滿大便結滯方見積聚門

局木香檳榔丸 治氣鬱食鬱胃脹痞滿大便結滯方見積聚門

局木香檳榔丸 治氣鬱食鬱胃脹痞滿大便結滯方見積聚門

丹加味二陳湯 治食鬱乘滯膈不快

芡米 米泔

白朮 炒

陳皮 去白

半夏 泡

茯苓

川芎

香附子 各八

枳殼

黃連 姜炒

甘草 各五

水盞半煎八分食前稍執服

左金丸

治火鬱積門

青蘘丸

治腎鬱腰腿足膝無力膀胱不利方見

虛損

溫膽湯

治膽鬱口苦驚悸健忘不寐方見驚悸門中

香連丸

治火鬱

氣逆腹痛吞酸方見痢門

丹生韭飲 治食鬱及則胃腕有瘀血作痛大能開提氣血

生韭

搗自然汁一盞溫加酒一二盃同服

右先以桃仁連皮細嚼數十枚後以韭汁送下

羌活勝濕湯

治濕鬱肩背強腰如折方見溫門

一男子年三十房後騎馬渡溪遇深淵沉沒復起隨混衣坐馬行

十五里抵家次日增寒壯熱肢節痠痛如瘡狀醫作虛以補中氣

治又作勞治以四物湯加黃柏知母服之反加滿悶不食召予診

六脉皆洪緩重按若牢右手為甚作溫鬱處治用平胃散加蒼朮

白朮半夏茯苓川芎香附砂仁防風羌活加姜煎服三貼諸病皆

減後以茯苓瀝濕湯倍加白朮服二十貼全安

一室女因忤意鬱結在脾半年不食但日食熟菱棗數枚遇喜亦

食饅頭彈子大深惡粥飯此為脾鬱非枳實不能散治溫膽湯去

竹茹與之數十劑而安

一女許婚後夫出二年不歸因不食困卧如痴無他病多向床裡坐卧此思想氣結也藥難獨治得喜可解不然令其怒使其木氣升發而脾氣自開木能制土故也俾激之大怒而哭良久令解之與藥一劑遂思食予曰病雖愈得喜方已乃設曰夫回病果不復作一少婦因逆意不食滿累月備甚已午間發熱面赤酉間退熱小便數而點滴脈沉瀆而短經水按月惟數滴而已予曰此氣鬱血虛中官却因食滯生痰遂用補寫兼治參朮為君陳皮茯苓紅花為佐使濃煎食前服少頃藥行吃粥半盞少頃與神祐丸減輕粉牽牛細化津下十五丸晝夜二藥各進四服食進熱退七日愈

古今醫統大全卷之二十六

終

古今醫統大全卷之二十七

欬逆門 一名飽逆

病機

欬逆敘論

內經曰諸逆衝上皆屬於火○又云歲金太過欬逆金鬱之發欬

逆少陰二氣欬逆○金匱治欬逆皆指肺金及火為病也

千金方云欬逆上氣者為病肺脈數數者是心火刑於肺金也

格致餘論云欬逆者俗謂之飽逆是也飽逆病即氣逆自臍下直

上出於口而作聲之名也書曰火炎上東垣謂火與元氣不兩立

又謂為元氣之賊是也古方悉以胃弱言之而不及火以丁香柿

帶竹茹陳皮等劑治之未審孰為降火孰為補虛况人之陰氣依胃為養胃土傷損則木氣乘之此則土敗木賊也陰為火所乘不得內守木挾火直衝清道而上言胃弱者陰弱之也虛之甚也

欬逆飽逆自有所別

欬逆乃乾咳之漸進無痰有聲連連不絕其氣自丹田而逆上出於咽喉如有所擊逆而然也亦有咳聲出咽復有還聲吸入咽內此所以為欬逆證也飽逆者即下文云入聲是也有欬飽兼聲擊發連續千萬之聲而不已者服藥不効即用吐法吐出痰涎立已

欬飽與噦證不同

難知云夫欬逆證活人書斷為噦逆其說似是而實非也蓋噦者

乾嘔也若有物直出則為吐嘔物旋出則為嘔無物出則為噦欬逆者則水漬於肺而心否或連續不已而氣逆或喜笑過多而氣噎或噦飲錯喉而氣搶或急食乾物而氣塞皆能作咳逆之聲連續不絕俗謂之呃或是大抵咳逆者不順之義呃或者差錯之義二者皆氣不得下為火熱托之而使上至咽喉噎而止也人或以紙撚鼻嚏之而止或詐寃盜賊因恐而止或鼻熱聞食香調氣而止皆抑之駭之而使氣下也

若噦者出聲也噦出其氣噦聲盡然後吸吐噦門中詳言矣飽逆者入聲也氣逆入喉逆聲盡然後呼也出入呼吸其大不同嘔噦者本於胃飽逆者本於肺何難辯哉

欬逆非噦故不從寒屬火者多

治人書云欬逆仲景所謂噦是也噦為胃寒所生傷寒本虛攻其熱必噦又云傷寒大吐下之極虛後汗出者因得噦所以然者胃氣虛寒故也宜橘皮乾姜湯羌活附子湯半夏生姜湯退陰散之屬主之此仲景治噦之方也活人書誤以欬為噦故以熱作寒治仲景之言噦非以為欬逆之謂也欬逆從熱而噦從寒活人以欬逆為噦夫安得不用熱藥蓋辯證一差故其用藥必反若非難知力辯其失後學將孰從而知之

欬逆噦有手足經標本之分

難知云活人書以欬逆為噦謂不可下之宜調胃承氣湯是因邪

氣在胃故斷為噦是則然矣抑不思欬逆是足陽明失下傳手太陰活人書言其火之本不言其火之標炎上至極高之分而欬逆也合而觀之噦與欬逆同一熱也分而言之噦為本為膽為胃為中欬逆為標為心為肺為上若標因應見上當其標不必名噦噦不言作噦使後人只見膽胃本而不見心肺標也

凡傷寒熱病陽明實過期而失下清氣不得升濁氣不得降以致氣不宣通而發飢者甚多或因飲食太多填塞胃中而氣不得升降者或有痰閉于上火起于下而氣不能伸越者不可不審若此者皆實證也宜詳辯而施治之

脉候

古今醫經 卷之二十一
右關脉絃者木乘土位難治。○尺脉大為陰火衝上。○脉微而遲者為寒。○肺脉散者死。○脉代者死。○脉結或促或微可治。○脉浮而緩者易治。○絃急而按之不鼓者難治。

治法

治欬逆宜降火順氣為先

欬逆證古方多作胃寒故用丁香柿蒂姜附熱劑此亦一偏也欬逆有虛有實有火今其氣自下衝上而作聲非氣而何大抵傷寒雜證汗吐下後過服涼劑胃氣虛寒者或亦有之惟此可從溫補亦不宜用熱劑除此之外就因病後必是發熱失于汗下熱鬱既久以致陰虛須汗下之亦失其時致火亢極故雖退熱之後尚有火伏陰中而承胃虛衝上連聲逆吸而為欬飽之證也竹茹麥門冬橘皮之類便秘以承氣湯下之

治欬逆其者吐法速效

凡有惡氣鬱結積怒之人并不得行其志者多有欬逆之證藥以降火清痰順氣不效者必須吐法以人參蘆煎湯入煨鹽少許飲之少頃探吐膠固痰涎其效立已

實者病傷寒失下大便秘結而欬逆速以寒劑下之若因飲食過傷或因痰飲停宿或因暴怒氣逆而得此證皆為形氣俱實用子和涌法極效人參蘆尤佳

欬逆要審有餘不足如丹溪治一老人患滯下後發欬逆用參朮

湯下大補丸而愈又治一女子怒後作飽用人參蘆吐之而愈
易老云欬逆者火熱奔急上行而肺金不納便秘者大承氣湯下
之便軟者**寬心湯**主之

吐利之後作飽者生姜半夏橘皮竹茹之類虛弱者加人參白朮
脉微遲者加姜桂丁香柿蒂

無故偶然作飽此緣氣逆宜小半夏茯苓加枳實湯便秘者承氣
湯或用蘿蔔子湯調木香調氣散服

作飽自利者以滑石甘草黃檗芍藥參朮陳皮竹瀝

內傷飽逆用補中益氣湯加丁香○痰飽用二陳加枇杷葉姜汁
製服之○傷寒飽逆古強短者枳仁承氣湯下之

治驗

子和吐式篇云凡病在上者皆宜吐然自胃已上大滿大實病如
膠漆微湯微散皆見戲也若非吐法病安能除由見病之在上者
諸醫用藥盡其技而不效余以涌劑少少用之輒獲微效可見吐
法必可用於上宜乎其効之速也

治一婦人頭重壯熱面紅寒熱往來乾嘔欬逆胃脇痛不能轉側
耳鳴食不下先以涌瀉復服益元散加青黛薄荷末調二三服前
證俱減戴人診之曰此病常欲痛哭為快婦曰然常有此不知何
謂戴人曰少陽相火凌燄肺金受火制屈無所告肺主悲故欲
痛哭而為快也再加歸芍**黃連解毒湯**數劑全瘥

丹溪治一女子性躁味厚暑月因大怒而欬逆發舉身跳動神昏
視其形氣俱實曰膈上有痰怒氣連鬱痰熱相搏氣不得降非吐
不可以人參蘆前飲大吐頑痰數碗昏睡一日而安人參入手太
陰補陽中之陰蘆則友是大瀉太陰之陽女子暴怒氣上肝主怒
肺主氣怒則氣逆肝木乘火侮肺故欬逆而神昏今痰盡氣降火
息金氣復位胃氣得和而解

藥方

欬逆溫熱劑

橘皮竹茹湯 治吐利後胃虛欬逆胸熱者

橘皮 去白

竹茹

人參 各錢

甘草 六分

水盞半薑五片棗一枚煎八分服

小半夏茯苓湯 治氣逆而飽 大承氣湯 治便秘飽逆

小柴胡湯加柿蒂 治傷寒發熱飽逆 上方並見傷寒門

麥門冬竹茹湯 治胃熱多渴咳逆嘔噦不進食

麥門冬

竹茹

陳皮

半夏

人參

白茯苓 各一錢

枇杷葉 四箇去毛炙

甘草 五分

水盞半薑五片煎八分食遠服

正瀉心湯 治欬逆大便軟 黃連解毒湯 益元散 加青黛蓮荷治欬

逆作渴小便不利 方並見積熱門

欬逆溫熱劑

巖柿蒂散 治胃虛寒飽

柿蒂

丁香各二錢

水盞半薑五片煎八分不拘時服

半夏生薑湯 治欬逆嘔噦欲死

半夏半兩

生薑一兩

水二盞煎八分作二服

橘皮乾薑湯 治欬逆不止

橘皮

通草各一錢

乾薑炮

肉桂五分

人參

甘草各三分

水盞半煎八分服

二丁香散 治欬逆

丁香

柿蒂各一錢

甘草炙

良薑各五分

右為細末每服二錢熟湯調不拘時服

木香調氣散

治氣逆而飽方見氣門

澤中湯

治胃中飽逆方見傷寒門

人參白朮湯

方見渴消門

大補丸

方見虛損門

羌活附子散

嚴氏治吐利後

飽逆四肢逆冷二便清利脉沉而遲方見傷寒門

方丁香柿蒂散 治吐利及病後胃中虛寒欬逆至七八聲相連收

氣不回者難治

丁香

柿蒂各五分

人參

半夏

橘皮

茯苓各一錢

生薑二錢

良薑

甘草各五分

水二盞煎八分乘熱頓服

方丁香湯 治欬逆嘔噦

丁香 柿蒂 青皮 陳皮各一錢

水盞半薑五片煎七分服

寶鑑炙甘草湯 治中氣虛而飢逆

炙甘草五分 人參 麥門冬各一錢 生地黄

阿膠各七分 生薑五片 麻子仁一錢 桂枝五分

大棗三枚 水二盞煎八分服

吐劑

稀涎散 治痰涎膠固喉中欬逆不已

半夏十四枚 猪牙皂角炙

右水盞半薑五片煎七分温服不能飲者灌之須臾探吐

秘方青白散 吐欬逆不已

青黛 白礬 烏梅肉焙各等分

右為末每服二錢壅湯調服先飲薑湯一杯次服藥探吐

人參蘆湯 治虛人欬逆吐痰者用此

人參 蘆 水一盞煎五七沸温飲之探吐

倉鹽湯 治欬逆并一切痰證倉卒用之最妙

倉鹽一兩用温草紙裹煨紅取出用

右以河水二碗砂鍋入煨薑煎五七沸放温頓飲之少頃探吐

易簡諸方

一方 治欬逆不止用柿蒂十五枚白蘆梅半箇水一盞煎六分

不拘時溫服

一方治寒飽嘔噦用**吳茱萸**汜過**青橘皮**去白各三錢水一盞

薑三片煎七分服

一方用**川椒末**麩糊丸梧桐子大每服二十九白湯送下

一方治飽逆久不愈連連四五十聲者用**生薑**搗汁一合加蜜

一匙溫熱服

一方用**陳皮****枳殼**各三錢煎服

煎法 治效逆服藥不效者用**硫黃****乳香**等分以酒煎令患人

以鼻嗅之効一方用**雄黃**一味煎酒釀

灸法

兩乳穴

治效逆立止取穴法婦人以乳頭垂下到處是穴男及不垂者以乳頭下一指為準與乳頭相直骨間陷

是穴男左女右灸一處艾炷如小麥大火着即效逆止灸三壯不愈者不可治

膻中

中脘

氣海

三里

風梅核氣

病機

梅核氣者似飽逆而非飽逆係痰氣窒塞於咽喉之間咯之不出
嚥之不下如梅核之狀故俗謂之梅核氣江南之地比比云之故
從而附此蓋濕熱痰氣鬱結而然治法不外開鬱順氣消痰而已

治方

有用吐法而愈者

藥用**陳湯**加川芎香附山梔枳殼檀榔厚朴條芩之類

仁加味二陳湯治梅核氣不能飲食

半夏製 陳皮 茯苓各一錢 甘草三分

黃芩 枳殼 蘿蔔子各八分

山梔一錢 白豆蔻仁少許

右水二盞薑二片煎八分食遠徐徐服

秘方法製硝糟湯治梅核氣如神

臘糟不下水者一斤 朴硝淨者半斤

右二味和勻用新磁確收貯密封置淨處每遇患者只取二三

匙煎湯一盞徐徐飲之自愈不愈再服無不神効

噎膈門

病機

噎膈敘論

內經曰三陽結謂之噎又曰少陽所致為嘔湧溢食不下食不得入是有火也

巢氏病源云陰陽不和則三焦隔絕三焦隔絕則津液不利故令氣塞不調也是以成噎此由憂患所致憂患則氣結氣結則不宣

流使塞而噎噎者噎塞不通也

鍼經云**怒**氣所至食則氣逆而不下**勞**氣所至為咽噎喘促**思**氣

所至為中痞三焦閉塞咽隘不利

丹溪曰大率屬血少氣虛有痰血液枯稿則痰涎凝滯咽喉窒塞食不能下或食下則胃脘當心而痛此皆血少痰凝之明驗也

噎噎為神思間病

張雞峰云噎噎是神思間病惟內觀自養者可治此言深中病情噎病生于血乾

丹溪曰噎噎病屬血虛氣虛有痰有火血屬陰陰主靜內外兩靜則歲府之火不起而金水二氣滋養陰血自生腸胃津液傳化合宜何噎之有若血乾涸則腸胃枯稿其在上近咽之下水飲可行食物難入間或可入入亦不多名曰噎其稿在下與胃為近食雖

可入難盡入胃良久後出名曰噎又曰翻胃所因不同病出一體

五噎五噎總是七情之氣鬱於胃口而成

嚴氏云五噎五噎由喜怒太過七情傷於脾胃鬱而生痰痰與氣搏升而不降飲食不下蓋留于咽隘者則成五噎結於胃膈者則為五噎其病令人胃脘否悶嘔逆噎塞妨礙飲食治法宜調陰陽化痰下氣陰陽平勻氣順痰下則病無由作矣

噎噎病多屬火與痰

愚謂噎噎始因酒色過度繼以七情所傷氣血日虧相火漸熾幾何不致於噎噎夫血液漸虧則火益甚而脾胃皆失其傳化飲食津液凝聚而成痰積于胃口漸而致于妨礙道路食斯不能入而

成五噎五噎者是也經曰三陽結謂之噎三陽者少陽相火也結者凝積而不降散也今夫火積而痰凝是故噎噎因之而作也故經曰少陽所致為嘔湧噎食不下亦深功也古方多以熱劑治噎噎不亦誤耶或者以熱治鬱胃尤可也殊不知噎噎之證斷乎無寒或云噎因氣鬱故用辛熱以散之所以不得不用熱劑也予曰夫氣鬱者氣虛而鬱者也非實也茲因氣虛而鬱執若用辛熱耗氣則是虛者益虛熱者益熱其何以為救治之道哉病之初作每見悉用辛香燥執初之愈而復作愈切愈深至于危困

三因五噎五噎之分

五噎者思憂喜怒悲也五噎者憂思氣勞食也

思噎則中脘多滿噎則醋心飲食不消大便不利**憂**噎則胃中氣結津液不通飲食不下羸瘦短氣**喜**噎則五心煩熱口苦生瘡倦甚體痺胃痛引背食少**怒**噎則胃噎逆滿噎塞不通嘔則筋急惡聞食氣**悲**噎則心腹脹滿咳嗽氣逆腹中雷鳴遶臍痛不能食**憂**噎胃中否悶氣逆時嘔食不下**思**噎心悸喜忘日視恍惚**氣**噎心下不噫噓不食胃背痛天陰手足冷不能自溫**勞**噎氣上噎胃中塞噎肢滿背痛**食**噎食急多胃中苦痛不得喘息

脈候

難經曰脈格則吐逆○脈經曰緊而活者吐逆○小弱而澁者反胃○金匱曰病人脈數數則為熱當瀉穀引飲而反吐者以發其

汗令陽微噎氣虛脉乃數為客熱不能消穀胃中虛冷故也脉絃者虛也胃氣虛寒朝食暮吐變為反胃寒在於上醫及下之今脉及絃故名曰虛

跌陽脉浮而澁浮則為虛澁則傷脾脾傷則不磨朝食暮吐暮食朝吐宿穀不化名曰反胃脉緊而澁其病難治

沉緩而無力或大而弱為氣虛數而無力或澁小為血虛數而有力為熱寸閑沉或伏或大而數滑是痰

寸閑脉沉而澁是氣緊而滑吐逆

千金云寸緊尺澁其人胃滿不能食而吐吐甚者為嘔之故不能食談言未止者此為反胃故尺為微澁也

治法

治噎噎當順氣化痰

玉機云噎噎之證皆由氣逆成積自積成痰痰積之久血液俱病以其病在咽膈故以噎噎名病雖有五噎五噎之分其為治之理則一嚴氏為治氣痰之說亦治其本之道也夫世多以香燥之藥開胃助脾故有可愈是則治其標而已氣與痰也若之何哉

治噎噎無用燥熱藥

噎噎多因飲食不節痰飲停滯或因七情過用脾胃內虛而古方不察病因悉指為寒用辛燥大熱之藥治之七情之火反有所熾脾胃之陰反有所耗是以藥助病邪日以深痼治以疾也咽噎閉

塞胃膈否悶此屬氣滯然有服耗氣藥過多中氣不運而致者當
補氣而自運大便結燥如羊糞此屬血虛若服通劑過多血液耗
竭而愈結法當補血有因火逆上食不得入關脈洪大有力而數
者為痰飲阻滯而脈結澀者當清痰退熱其火自降亦有脾胃陽
大衰脈沉細而寒者當以辛熱之藥溫其氣仍以益陰之藥養其
血斯故合兩全而治之審矣

凡食下有礙覺屈曲而下微作痛此必有死血有痰然也宜竹瀝
薑汁入藥服

張子和治膈上有痰者先以瓜蒂吐之後用大黃皂角黑丑朴硝
等分為末粥丸服

有因咽塞不寬快項背轉側不便似有噎噎之證飲食不下先嘔

心痛心痛未發一身盡黃先以**瓜蒂****積梗****山梔****細茶****姜汁****薑汁**吃

吐痰一二碗後用**道痰湯**加羌活黃芩紅花人壯可服

治噎噎當潤養津血為王降火散結**道痰湯****非****內****姜****汁****薑****汁**

氣虛入四君子血虛入四物有熱入解毒有痰入二陳切忌香燥
之藥宜薄滋味

子和云小腸熱結則不善滲大腸熱結則後不通膀胱熱結則津
液涸三陽既結則前後閉必反而上行此所以噎噎食不下縱下而
復出也宜先潤養因而下或痰涎上阻輕用苦酸微微湧之

不治證

嘔噎證年高者不可治以其氣血俱虛故也余見未滿六旬按法愈惟不思厚味并

夜勞憂思者必危糞如羊糞者不可治大腸無吐痰如蟹沫者不

可治戴氏曰氣血俱虛者則口中多腹中疔嘈痛如刀割者不治

治噎大法用參黃芪以補元氣御米粟米解毒實胃

以清痰散結牛乳韭汁以養血潤液麥芽當歸以潤燥用此數

者為主治其餘因證而增損之無不愈者

丹溪云凡治嘔噎反胃悉當用二陳湯加姜汁瀝薑汁之

類為主愚謂半夏用之豁痰其性甚燥嘔噎證多因燥氣所成為

嘔噎病肥胖之人鮮有之間病者用二陳加參白朮之類

血虛瘦弱之人用四物合二陳加枳仁乾芩薑汁

之類蓋不可缺

七情鬱結而成嘔噎二陳合香附撫芩天香檳榔瓜薑砂仁之類

嘔噎大便結燥之甚必用二陳加黃連乃急則治其標之法也乃用四物

湯加參黃復非汁多飲牛乳為上策但不可服人乳蓋人乳

為飲食厚味烹飪之火及七情之火皆存於中故不可服也

飲酒人患嘔噎以二陳加黃連砂仁砂糖薑棗入內服

胃膈有熱加土炒黃連薑合桔梗瓜薑之類

朝食暮吐暮食朝吐或食下須臾即吐此為反胃所謂胃可容而

脾不能傳送故也或大小腸秘結不通食反而上奔也二陳加枳

仁瀉承大黃以潤之脾不磨者加神曲砂仁麥芽之類以助消導

丹溪治一人嘔噎照常法服藥每日仍飲牛乳中加姜汁韭汁日三四次或口乾與甘蕉汁少許而愈

又治一人服金石藥而益甚以御米竹瀝作粥送下而不吐復以長流水煮粥少加竹瀝服以四物湯加陳皮益血順氣

一人咽噎間常覺有物閉悶飲食妨碍脉澹稍沉形色如常乃飲酒所致以韭汁每服半盞日三服至一升愈

一人不能頓食推頻細食一日忽咽噎壅塞大便結燥以四物湯加白朮陳皮桃仁十二粒研煎沸飲之令多食諸血以助藥力至五十貼便潤七十貼而食進不百貼全愈

藥方

藏五鬲散 治五鬲五噎

人參 半夏

白豆蔻 木香

杵頭糠 華澄茄

右水二盞薑七片煎七分服

生薑汁煎 治噎食不下咽喉壅塞胃鬲煩悶

生薑汁 白蜜

百合各二兩

右藥入銅銚中以慢火熬膏不拘時每用一匙

用人參百合湯調下或嚥下

和五鬲寬中散 治七情四氣傷於脾胃以致陰陽不和遂成鬲噎

一切氣逆並治

青皮

陳皮

各半

丁香

木香

砂仁炒

白豆蔻

各一錢

厚朴

姜炒

香附子

童便浸炒

甘草各六錢

右為細末每服二錢姜鹽湯點服

參朮膏 治五噎五噎嘔逆食不下

人參

陳皮

白茯苓

生地黄

麥門冬

五味以水一斗煎成膏入丁香沉香末各二錢

蜜半碗姜汁一杯和勻每服二匙粟米飲下有痰加竹瀝

沉香散 治五噎五噎嘔逆飲食不進兩服順氣清痰寬中進食

沉香三分

茯苓

木通

白木土炒

青皮去白

陳皮去白

大腹皮洗

當歸

芍藥各六分

木香磨

紫蘓

檳榔

白芷

甘草炙

枳殼各四分

水盞半姜五片棗一枚煎七分溫服

人參豆蔻湯 治噎噎寬中順氣

人參

白豆蔻各五分

白朮

陳皮去白

半夏麩各八分

藿香

丁香各三分

厚朴姜炒

蘿蔔子炒研

當歸各八分

甘草炙

石菖蒲各五分

水盞半姜三片粟米一撮煎七分服

春雪膏 治五噎五噎嘔逆痰閉結

古今醫經... 卷之二十七

真薄荷葉

六兩同豆粉和勻安于密籠中上以

下以豆粉

沉香五錢

白礪砂五錢

冰片五錢

砂仁五錢

真柿霜四兩

右為極細末不時舌上舐服若然礙滯又服**養容湯**

白蜜煉熟

薑汁一合

竹瀝一碗和蜜

右以磁瓶收貯窖地上不時調白水細呷之

綠雲散 治噁噎化痰降氣

人參

當歸

天門冬

陳皮

甘草

昆布

紫蘆子

蘿蔔子

丁香各等

水五升煎膏五合入煉蜜五合和勻加青黛四

兩和成劑不成劑再加柿霜搜和丸彈子大金箔朱砂各半為

衣日服金箔丸夜服朱砂丸不時噙化喉中不清服姜蜜湯

枇杷葉煎 治五噎立効

枇杷葉拭去

陳皮去白各

生薑半兩

水盞半煎七分作二次溫服

五噎散 治胃弱痞悶諸氣結聚脇肋脹滿痰逆惡心不進飲食

枳殼炙炒

青皮

大腹皮

半夏麩

丁香

南星製

乾薑炮

麥芽炒

草果

白朮錢

甘草炙五

水盞半姜五片煎七分不拘時服

瓜蒌實丸 治胃滿不消而痛喘急妨悶

瓜蒌實

另研

枳殼 楚炒

半夏 製

桔梗

炒各一兩

右為末姜汁煮麩糊丸梧桐子大每服五十九丸食後淡姜湯下
嘉禾散 治脾胃不和胃滿否悶氣逆生痰不進飲食五噎五噎

白茯苓

砂仁

薏苡仁 炒

枇杷葉

拭去毛姜汁炙

桑白皮 炒

沉香 磨汁

五味子 各五分

木香 磨汁

青皮

穀蘗 炒

藿香

杜仲 姜汁炒斷後

隨風子

石斛 酒炒

大腹皮 洗

陳皮

半夏麩 炒

神麩 炒

檳榔 各三分

白豆蔻

丁香

人參

白朮

甘草 炙各五分

右水二盞姜三片棗二枚煎八分食遠服○五噎入柿乾一箇
噎氣吐逆入建白三寸棗五枚同煎

明發 人參利馬丸 治胃中不利痰逆喘滿利脾胃壅滯治噎噎聖藥

人參

當歸

藿香 各一兩

木香

檳榔 各七錢

枳實 炒

甘草 各八錢

厚朴 姜炒

大黃 酒浸各二兩

右為末

滴水丸如梧桐子大溫水送下三十丸

昆布丸 治噎噎妨塞飲食不下大便秘結

昆布 洗

麥門冬

天門冬

訶子 各兩半

木通

川大黃

川朴硝

郁李仁 泡去皮微炒

桂心 百合各一兩 羚羊角鎊 杏仁泡去皮尖

紫蘊子微炒 射干各半 批胡 陳皮去白

檳榔各一錢 右為末 煉蜜和丸搗五百杵梧桐子大每服三

十九不拘時熱酒下方 飯後用綿裹彈子大一丸噙化

利馬化痰丸 治嘔吐 噎大便結燥二方並見痰門 **調胃承氣湯** 治馬

逆不大便方見傷寒門 **化滯丸** 木香檳榔治宿食不化胃高妨悶噎

塞不通二方見積聚門 良方**導氣散** 治噎氣噎塞久飲食

虎額王字骨醋炙 華撥炒 人參

羚羊角鎊 厚朴製各

右為細末每服二錢食後水調令睡服

潤腸膏 治噎噎大便後結燥飲食良久復出

威靈仙鮮者搗汁四兩 生薑同上 真麻油二兩 白砂蜜四兩煎

右入砂鍋攪勻慢火煎如餵收貯時時以匙挑服之一料未愈

再服一料决効

奪命回生散 治五噎五噎翻胃嘔吐不進飲食此藥多有神効

丁香 川芎 白薑炮 南木香

肉桂 人參 神麩炒各半兩 訶子七枚取肉

砂仁二十粒 莪朮 粉草各七錢 大草果二枚取仁

巴豆十四枚去殼心膜不去油冷

水浸一宿另研如膏餅鉢中

三

右日乾為末入乳鉢內和勻巴豆膏再篩過入丸內以油紙蓋盒口却用黃蠟和松脂鎔如法封固每以十二月上辰日或初八黃道生氣天月二德日脩合於高地爽處埋土地三尺深至次年六月中伏節擇吉日取向當風處攤去濕氣以不漏丸瓶收貯密封壯人每服半錢臨睡沸湯調半盞頓服仰卧片時徐以溫白粥壓下若弱人只服一字二三服即能進食止嘔吐續以寬中散

沉遠湯 **積皮煎丸** **厚朴煎丸** 等兼進助胃氣急生冷魚腥粘膩硬物一兩月全愈孕婦不可服

紫蘓子飲 治噎噎一氣欬逆因怒未定便夾氣飲食或食飲畢便怒以致食與氣相逆遂成噎噎之候

真蘓子炒

訶子煨

蘿蔔子微炒

杏仁泡去皮

木香五分

人參各一錢

青皮

甘草各二錢

右咀分二服每服水二盞姜三片煎七分服

蘓青丸 治噎噎及胃皆效 **蘓合丸** **青劑白丸子** 二藥同和姜汁為

丸梧桐子六每服二十丸淡姜湯送下

選要 透膈湯 治脾胃不和中脘氣滯胃滿悶噎塞不通噫氣吞酸脇肋刺脹嘔逆痰涎飲食不下並皆治之

木香

白豆蔻

砂仁

檳榔

枳殼麸炒

厚朴姜炒

半夏製

青皮

陳皮去白

大黃酒蒸

朴硝

甘草各七分

右水盞半姜三片棗一枚煎七分食遠服

沉香磨 治五萬五噎吞滿嘔吐寒滯心腹刺痛脹滿

沉香磨

三稜

莪木

白豆蔻

華澄茄

砂仁炒

草果

益智仁

白薑

丁香為末

人參各七錢

丁皮五錢

木香磨

茯苓

香附子炒

藿香

半夏麩

青皮

陳皮各一兩

甘草炙一兩二錢半

右為粗末每服五錢水盞半姜三片棗二枚煎七分食遠服

十萬散 治十般萬氣風冷氣熱痰食不憂思喜高

人參

茯苓

官桂

枳殼炒

神麩炒

麥芽

乾姜炮

訶子煨

三稜炮

莪木炮

陳皮

甘草炙

白木各一兩

厚朴姜炒

檳榔

木香磨各半兩

右為細末每服二錢入鹽少許白湯調服如脾胃不和腹脹滿

悶水一盞姜五片棗一枚鹽少許煎七分服

正大力奪命丸 治噎噎不下食及翻胃等證

杵頭糠

牛轉草各半斤

糯米一升

右為細末取黃母牛口中涎沫為丸如龍眼大入鍋中慢火煮

熟食之加沙糖一二兩尤佳

直指枳木二陳湯 治痰氣食萬翻胃嘈雜等證

白木土炒一錢

黑枳實麸炒

陳皮去白各八分

茯苓

香附子童便浸炒

半夏製

黃連姜汁炒

檳榔

白豆蔻各五分

青皮

吳茱萸泡

甘草各三分

水盞半姜三片棗一枚煎八分食遠服氣虛者加人參黃芪血

虛者加當歸地黃有鬱加神麩撫芎

御藥五噎丸 治流飲停膈不消胃膈痞塞食不能下

木香一兩

陳皮二兩

大黃酒蒸

牽牛各一兩

右為末煉蜜丸梧桐子大每服四五丸溫水送下

通中散 治五噎五噎胃中不利臍府壅滯

牽牛微炒一兩半

木香一兩

檳榔三錢

乾薑炮

桂心各一錢

右為末每服二錢以熱酒調服空心服後續飲

飲熱茶一二鍾投之得利二三行下惡物是効

秦川剪紅丸 治噎噎變成翻胃服此吐去瘀血及下血効

雄黃另研

木香各五錢

檳榔

三稜炮

莪朮

陳皮

貫衆去毛

乾漆各一兩炒烟盡

大黃二兩半

上為末麩糊丸梧桐子大每服五十九丸白湯下

芫花一兩醋煮

巴豆二十粒去油

甘遂一兩麩包煨

已上三味為細

末麩糊丸梧桐子大候乾每丸用薄紅羅包住絲扎繫定前斷

用前藥五十九丸內加一丸五更同服白湯送下婦人醋湯下

衛生易簡方

一方 治噎氣用**大鯽魚**一尾自死者可用活者不用割腹去腸雜留鱗用大蒜去淨皮薄切片填入魚腹中仍合定為一尾用濕紙包定以麻皮縛之却用熟黃泥厚固乾以糠火煨熟取出去鱗刺骨將肉入局方平胃散末搗和為丸梧桐子大晒乾收貯勿令泄氣每服三十九丸空心米飲下

一方 治胃中氣噎食不得下喉中如有肉塊用**昆布**一兩洗去鹹水小麥二合水二盞煎熟小麥爛去查不拘時每服一小盞仍取淨昆布不住口含之二三片津嚥下有效

一方 治胃中氣滯食噎不下以手巾布包**杵頭糠**時時拭齒刮舂米杵頭細糠煎湯呷之亦可

一方 治男婦噎噎極效用**雞腰子**兩箇帶宿食用紙裹外用黃泥固濟炭火燒烟盡為度取出去泥嚙子內宿食不可動

丁香沉香各一錢共為細末用大棗煮熟去皮核研和丸梧桐子大每服三十九丸米飲下

一方 用**馬蘇兒**燒存性陳米湯送下即野田瓜子北方多有之

一方 用**桑葉****葶藶****貝母****瓜蔓子****牛轉草**作丸服
方 **黃連**三錢姜汁炒 **山查肉**二錢 **保和丸**二錢 同為末糊丸麻子

大胭脂胚為衣人參湯入竹瀝下五十九丸

一方 用馬年**炊飯乾**不拘多少以急流順水煎者糜爛取濃汁時時飲之待能食後復用調脾胃之藥

金匱玉函方 治噎心高氣滯煩悶吐逆不下 藿藜五兩剉水三

盞煎二盞不拘時溫服時時服之尤効

外臺秘要方 用羚羊角屑一味不拘多少為末米飲調服方寸

匕以角磨水亦佳

一方用何猪肚連食烘乾為末每服二三錢酒調下

一方治噎食用丁香一錢煉酒梅取肉以丁香末為膏嚼化愈

一方治高氣噎食服藥無効巧婦窠燒灰為末每服三錢酒調

下一窠可治一人甚驗

檀花散 用于葉曰檀花陰乾為末老米湯調送一錢三五口不

轉再將飲調藥送之

灸法

膏肓 二穴在背第四椎兩旁各開三寸是穴灸至百壯以多為佳灸時手搭膊上

膻中 一穴在兩乳間陷中仰取之灸七壯禁鍼 中腕 一穴在腕上四寸灸七壯

三里 二穴在膝下三寸斷骨外廉兩筋間灸三十壯 膈俞 二穴在背七椎下各門一寸半灸七壯

心俞 二穴在背五椎下各二寸半灸七壯為度 天府 二穴在腋下三寸灸七壯

乳根 二穴在乳頭下一寸六分灸七壯

古今醫統大全卷之二十八

心翻胃明

病機

翻胃敘論

巢氏病源云榮衛俱虛氣血不足停水積飲在胃腕則藏冷藏冷則脾不磨脾不磨則宿穀不化其氣逆而成反胃也則朝食暮吐暮食朝吐心下牢大如杯往來寒熱甚者食已即吐其脉緊而絃緊則為寒絃則為虛虛寒相搏故食已則吐名為反胃

金匱云病人脉數數為熱當消穀引飲而反吐者必發其汗令陽微膈氣虛脉乃數數為客熱不能消穀胃中虛冷故也脉絃者虛

也胃氣無餘朝食暮吐變為反胃寒在於上醫及下之今脉反絃故名曰虛

玉機微義云反胃之證其始也或由飲食不節痰飲停滯或因七情過用脾胃內虛而作古方不察病因悉指為寒用香燥大熱之藥治之夫此藥止能助寒邪行滯氣其於飲食痰積其能祛逐七情之火反有所熾脾胃之陰反有所耗是以藥助病邪日以深痼脾氣漸虛不能運化故食久而復出有即時吐出皆為正氣不完辛香之藥盡是治標當扶助正氣健脾和胃是為治本而疾可瘳反胃病先因濕熱後變虛寒

凡浩飲過食生冷水或飲食失度脾胃有濕熱之傷漸漸運化夫職此為翻胃之所自來也其始則皆濕熱鬱滯或吐或利以致血液乾枯則大便秘澁甚則閉結不通必反上行脾困既久變而虛寒者有矣不察新久槩言胃寒峻用烏附辛熱之劑烏呼宜乎

脉候

難經云脉革則吐逆

金匱云趺陽脉浮而濇浮則為虛濇則傷脾脾傷則不磨故朝食暮吐暮食朝吐宿食不化名曰反胃脉緊而澁其治難

千金云寸緊尺濇其人胃滿不能食而吐吐止者為下之故不食設言未止者此為反胃故尺為微澁

脉經云緊而滑者吐逆○小弱而濇反胃

治法

治翻胃先調氣養胃

翻胃病多是損傷胃氣不能納谷故食入即吐有思慮頓食并浩飲傷脾不司運化故朝食暮吐暮食朝吐皆原物之完出故有脾胃二經分治此又不可不察也夫脾胃之氣不立則陰陽失其升降所以濁氣在上則生膈脹而邪氣逆上則嘔而吐是為反胃故調氣養胃則陰升陽降傳化合時則無反胃之患致於朝食暮吐暮食朝吐此又以健脾胃消導兼治之也反胃之病治法不外於此

治翻胃有寒熱之辯

夫翻胃病其始皆成於濕熱既久或吐下相延寢成虛寒者理固

所有也食畢即吐脉洪大或數此為熱也宜清胃

黃湯之類朝食暮吐暮食朝吐脉遲而沉或瀉而微此為中寒宜

養胃湯之類或胃飲食消導惟宜辛熱遂不察其孰候

藥以熱助熱而卒莫之能救豈非藥之誤耶

藥方

金 大半夏湯 治反胃嘔吐不受飲食食入即吐

半夏升二

人參兩三

白蜜斤一

白朮兩四

姜汁盞半

水一斗二升和蜜揚之二百四十遍煮藥取升半溫服

大黃甘草湯 治食已即吐者

大黃兩四

甘草兩一

水三升煮取一升分溫再服

病機 荆黃湯 治暴吐者上焦熱氣所逆也脉浮而洪

荆芥穗 一兩

人參 半兩

甘草 二錢

大黃 三錢

右作二服水煎調檳榔末一錢空心服

青鎮丸 治上焦吐頭痛有汗脉絃

柴胡 二兩

黃芩 七錢

甘草 兩半

人參 五分

青黛 二錢

右為末姜汁浸蒸餅丸梧桐子大每服五十九姜湯食後下

金花丸 治吐食而脉絃者由肝乘於脾而吐宜治風安脾

半夏 二兩

檳榔 二錢

雄黃 二錢

右為細末如上法丸姜湯下從少致多漸次服之

和中桔梗湯 治上焦氣熱上冲食已即吐脉浮而

桔梗 兩半

半夏 二兩

陳皮 去白 一兩

白朮 兩半

枳實 少

白茯苓

厚朴 姜炒各 一兩

右咀每服一兩煎取清湯調木香散二錢葛夜空腹三服之後

氣漸下吐漸止然後去木香末每料中加芍藥二兩黃芪一兩

半服之病愈即已如大便燥硬食不盡下以大承氣湯去硝微

下之少利為度再服前藥補之 **木香散** 木香檳榔各等分為末

茯苓澤瀉湯 治反胃吐而渴欲飲水

白茯苓 半斤

澤瀉 四兩

甘草

桂枝 各二兩

白朮 三兩

生姜 四兩

右水一斗煮取三升內澤瀉再

煮取二升半温服八合日三服外臺方有小麥一升

明利馬丸 治胃馬不利喘滿氣逆而作吐嘔方見嘔

調胃承氣湯方見傷寒門 **痰痰丸**方見痰門 並治熱壅嘔吐及胃大便不通

治脾胃虛寒及胃吐逆不思食

白豆蔻 人參 丁香 砂仁

肉豆蔻 附子泡 甘草 沉香

橘紅 麥芽炒 神麩炒各二錢半

右為極細末每服二錢姜鹽湯調下不拘時

生濟 太倉丸 治脾胃虛弱不進飲食翻胃吐逆

白豆蔻 砂仁各二兩 陳倉米一升用黃土炒去土不用

右為末姜汁和丸小豆大每服百丸食後淡姜湯下

選百安脾散 治胃氣先逆飲食過傷憂思蓄然宿食痼癖積聚冷痰

動擾脾胃不能消磨穀食致成斯疾女人得之皆由血氣虛損男子得之多因下元虛憊有食罷即吐有朝食暮吐暮食朝吐

所吐醋水臭畏或吐黃水凡有斯疾乃是脾敗惟當速治遲則發煩渴大便秘水飲不得入口不旋踵而斃矣

高良姜一兩以百年薛上土三合搗碎用水二碗煮乾薄切成片 南木香磨汁

草果麩煨 陳皮去白 人參 茯苓

白朮 胡椒 丁香 甘草炙各兩半

右咀每服五錢水盞半入薑少許煎七分食遠温服或為細末

每服二錢用鹽米湯調下

丁香煮散 治翻胃嘔吐

丁香十四枚

石蓮肉十四枚

生姜七片

膠棗七枚 去核

黃黍米半合 淘淨

水碗半先煎藥熟去渣次入黃米煮稀粥食之

雞白粥 治翻胃無問新久冷熱皆効

雞白十莖

雞蛋三枚 去黃

上揀人參一兩水一升煎三合

白粟米三合

右除人參湯三味同煮熟攪勻然後溫熱人參

湯相和調不拘時頓服如惡食即與粟米粥飲漸加粳米和之

嬰粟粥 治翻胃不能下食

白嬰粟米二合

人參為末 一錢

生山芋五寸 細切

水鍾半煎六分入生姜自然汁及鹽花少許攪勻分二服不拘

時食之亦不妨別物湯丸

千轉丹 治翻胃吐食等病

牛涎半斤

蜂蜜半斤

木鱉子三十枚 去壳油研

右共一處入砂鍋內用慢火熬以槐條七根攪成膏為度每和

白粥二匙日進三服

甘露湯 治翻胃嘔吐不止飲食減少常服快利胃氣調養脾胃

進飲食 常州一富人病翻胃往京口甘露寺設水陸泊舟岸

下夢一僧持湯一碗與之飲罷尤記其香味便覺胃氣少快早

入寺知客供湯乃是夢中所飲者曾萬尤快遂求其方合數十

服後疾遂瘥名曰觀音應夢散予得之常以待賓身名曰甘露湯又在臨汀療一人旋愈甚勿忽之

乾餈糟頭柞者用六分生薑四分

右和勻搗爛作餅子或焙或曬乾每十兩入炙甘草二兩同研為末每服二錢用沸湯入鹽少許調不拘時服

大効散 治翻胃吐逆

田螺殼

黃蛻殼二件不以多少在土中多年者尤佳各另燒成白灰細研

右每料用螺殼灰二兩蛻殼灰一兩用白梅肉四兩同搜和作團以砂礮合定鹽泥固濟發頂火煨令焦黑存性冷定取出研細每服二錢人參砂仁煎湯調下陳米飲下亦可

化鐵丸

治結腸翻胃兼治蠱脹緊急如鼓如悶氣促不能坐卧飲食頓減手足枯瘦累治不効者此妙

五靈脂去砂石

青皮

陳皮各一兩

陳秫米一合

巴豆三十五粒去殼膜

右咀先炒五靈脂香透次下青皮炒候色變又下陳皮又炒色變却下秫米巴豆炒黃色取出以紙攤在地上出火毒揀去巴豆不用留三五粒亦可研為細末用好醋浸蒸餅丸菜豆大每服十五丸加至二十九葱湯或茶湯送下婦人醋湯下

丁香餅子 治脾胃虛寒痰逆嘔吐十噎五噎及胃吐逆

丁香

木香各一兩

白豆蔻

半夏麩

神麩各半兩

白朮

白薑

陳皮各兩半

人參

萹澄茄各三錢

肉豆蔻半兩

甘草二錢

右為細末用姜汁煮糊和作餅子如棊子大每服一餅空心嚼細姜湯送下

奪命回生散 **救急神效** **蘇合丸** **小剪兒** **玉浮丸**

並見隔噎門治及胃吐逆

紫沉丸 治中焦吐由食積與寒相假故吐而痛

半夏麩

代赭石

砂仁各三錢

杏仁

沉香

木香

白朮各一錢

丁香

烏梅仁

檳榔各一錢

陳皮五錢

草果五分

巴豆霜五分另研

右為末入巴豆霜令勻醋糊為丸秫米大每服

五十粒食後柿霜湯下吐愈即止

厚朴丸 治翻胃吐逆飲食噎塞氣上衝心腹中結疾

厚朴姜汁炒

黃連姜炒各二兩半

吳茱萸湯泡

紫苑

菖蒲

柴胡

桔梗

茯苓

皂角炙

桂心

乾姜炮

人參

川椒炒出汗

巴豆霜各半兩

川烏二兩製

右為細末入巴豆霜令勻煉蜜丸梧桐子大每服三丸漸次加以利為度姜湯下春夏加黃連二兩秋冬加厚朴二兩

良加味清金丹 治清濁不分中焦氣痞心下牢大如杯或有寒熱

朝食暮吐暮食朝吐關脈絃緊絃則為虛緊則為寒虛寒相搏

名曰關格是為反胃

水銀一兩

硫黃

木香另研

丁香另研各半兩

右先以硫黃鎔化在鐵杓內入水銀和勻成劑冷研為末次下

木香丁香研勻姜汁煮糊丸梧桐子大每服十五丸食前米飲

半夏厚朴湯 治翻胃吐痰氣逆不下食胃滿肋痛嘈雜

半夏製

厚朴姜製

山梔仁炒黑

黃連姜炒

陳皮去白八分

茯苓八分

甘草三分

黑枳實共炒一錢

蒼木製八分

澤瀉

香附子

青皮各五分

當歸

白豆蔻各六分

右水二鍾姜三片煎八分服

沉香不二丸 治翻胃轉食噯氣

沉香

木香

丁香

藜蘆

官桂

厚朴姜汁炒

桔梗

枳殼

乾薑各三錢

陳皮

青皮

砂仁

白豆蔻

草果

神麩各半兩

巴豆四錢去油

右為末老米飯丸櫻桃大每服一丸將棗一枚去核將藥包

棗內煨過臨卧細嚼米飲送下

靈砂玄明粉 治翻胃噯食腸結嘔吐

靈砂一錢

玄明粉三錢

右為細末每服五分拌豆腐吃下畢飲酒一杯

濟生入藥靈砂丸 治翻胃嘔吐飲食不下

古今醫統卷之二十八

靈砂

丁香

木香

胡椒各等分

右為末煮素肉杵九梧桐子大食遠姜汁點米飲下五十九

青金丹 治一切吐逆

水銀八錢

硃黃二錢

二味結成砂研為細末用角粽杵

和丸豕豆大每服三十九姜橘煎湯下

醫兩林參橘湯 治翻胃

人參

橘紅

石蓮肉各半兩

明乳香錢半

右為細末每服二錢姜湯點服

和撞氣阿魏丸

治翻胃噎噎方見氣門

敵痰丸 治翻胃嘔逆

半夏麩

枯礬各一兩

太皂角炙去皮

黑丑取頭末各二兩

右為細末蘿蔔煮熟搗爛和九梧桐子大每服五十九姜湯下

衛生易簡方

丁附散 治翻胃嘔逆粥藥不下

大附子

一枚坐於磚石四面着火漸上逼熱淬入生姜汁中浸少時如法再淬約盡姜汁半碗許為度去皮焙乾為末

丁香二錢

研 二味和勻每服二錢水一盞粟米少許煎七分服

一方 治反胃諸藥不効惟用**鹽尿**熱服日二合食後惟吐一半

哺時又服二合吐便定唐貞觀中大內中五六人患此奏知同

服皆愈病深者七日此藥稍有毒不可多服

一方 治反胃欲發時以**鴈鷓鴣**噙口中遂下

一方用**狼瘡**暴乾為末每日五分于米飲中食之妙

一方**甘蕉**二分**姜汁**一分和勻每服一碗日三服則不吐

一方治反胃粥湯入胃即吐垂死用**人參**二兩水一升煮四合

熱頓服日再進兼以**人參**煮粥遂不吐

一方**白梁米汁**二合**生薑汁**一合和服之

一方治反胃嘔逆出食有不化者用**米粉**半升搜和成劑丸如

梧桐子大煮熟點薑少許空心和汁吞下

掌中金治反胃極虛寒者用**大附子**一枚姜汁一碗煮乾**母丁香**

一箇共為細末以少許安掌中不時舐服

正胃散用**白木牛喉**去兩頭節并筋膜脂肉節節取下如阿膠

片以好米醋一大盞浸微火煮勻炙乾再蘸再炙醋盡為度存性不見日為末每服一錢米飲下

一方用**明信**煨紅去烟止用明信為末每服二釐溫水下用黑

驢尿尤効

一方治反胃飲食不下用**地龍屎**一兩**南木香**半兩為細末神

麩糊丸梧桐子大每服五十九陳皮姜湯送下

一方用**真磁粉**姜汁米飲食後調下一錢

一方**蘇餅**燒灰存性為末好酒調下每服一錢不數次即愈

兵部手集方治反胃食不下羸弱不能動用**母丁香**三斤搗取汁

煮薄粥食之作粥熟時加蛤粉三錢和之煮三五沸喫

一方用**黃芩粉**作糊和粉丸梧桐子大白水熬煮放細醋中過任吞之半杯原湯點醋飲之亦妙

千金方 治反胃用**艾子**為末酒調方寸匕

一方 治吐逆反胃暴急有火者用**田螺**不拘多少用新水磁盆

養之待吐泥出去螺將泥澄下去清水傾泥於紙上紙下放灰

食乾稠即丸梧桐子大每服五十九食遠藿香湯送下

燒針炷 專治吐逆此為清鎮之劑

黃丹不拘多少碾細用去皮小棗肉丸如芡實子大每用針炷於燈

上燒灰為末乳汁下

棗肉平胃散 治反胃開理脾胃王道之劑用製就**平胃散**一料

加紅棗肉生薑各等分焙乾為末每服二錢空心薑湯點服

一方 治翻胃積飲用**益元散**生薑自然汁澄下白脚搜和成丸

如法豈大不時服効

灸法

上腕 一穴在臍上五寸 灸二七壯治反胃

下腕 一穴在臍上二寸 灸二七壯治反胃

中腕 一穴在臍上四寸 灸二七壯治反胃

天樞 二穴在臍二旁各 開二寸灸三七壯

古今醫統大全卷之二十九

疔瘡滿門

病機敘論

內經曰備化之紀其病瘡又云太陰所至為積飲瘡膈

原病式云瘡與否同不通泰之謂精神榮衛血氣津液出入流行

之紋理閉密而為瘡也

傷寒瘡滿要審下不

成無已云傷寒心下瘡滿者不經下後則有吐下之殊若下後則

有結胸瘡氣之別未經汗下而心瘡滿者當吐之下之要在隨其

邪氣之高下而泄之也若邪氣在表未應下而強下之邪氣乘虛

結於心下實者硬滿而痛為結胃虛者滿而不痛為虛痞須審別之而用後之治法

痞滿屬血不可專執於氣

傷寒痞滿乃因寒傷榮血心主血邪入於本故為心下痞仲景瀉心湯數方皆用黃連以瀉心下之土邪至於酒積雜病下之太過亦作痞滿亦是血證何也蓋下多則亡陰亡陰者則損脾胃謂脾胃水穀之陰亡也故胃中之氣及其血虛而下陷于心之分故致心下痞滿宜理脾胃以血治之若全用氣藥道是則痞益甚而復下之氣愈下降必變為中滿鼓脹非其治也

此事難知曰傷寒痞者從血中來從外之內從無形雜病痞者亦從血中來從內之外從有形故無形以苦瀉之有形以辛散之玉機云痞滿之病人皆知氣之不運也獨東垣指以血病言之謂下多則亡陰而損血此前人之未論也世之用氣藥治痞而不効者蓋不知此理故也

痞為熱證

直格云傷寒裏之陰分已受熱邪是病發於陰也或熱微下證未全誤下之早則裏熱除去表熱乘虛入裏而作痞也故仲景攻痞多用大黃黃連黃芩寒劑中或加乾薑之類者是以辛熱佐其寒藥欲令開發痞之怫熱結滯也非攻寒耳痞滿乃土邪為病與脹滿不同

丹溪曰痞滿與脹滿不同脹滿內脹而外亦形痞則內覺痞悶而外無脹急之形也蓋由陰伏陽蓄氣血不運而成位心下中央臍滿否塞皆土邪之所為也有因誤下裏氣虛邪乘虛而入於心之分為痞者有不因誤下而得之如中氣虛弱不能運化精微為痞者有飲食痰積不能施化為痞者有濕土太甚邪著心下為痞者

脉候

脉經曰痞脉浮堅而下之緊反入裏因作痞○按之濡其脉上浮或寸沉關浮而絃○脉濡弱弱反在關濡反在顛微反在上澁反在下微則陽氣不足澁則無血陽氣反微中風汗出而燥煩澁則無血厥而且寒陽微不可下下則心下痞堅

治法

治痞滿有虛實補瀉之異

玉機云古方治痞用黃芩黃連枳實之苦以泄之厚朴生姜半夏之辛以散之人參白朮之甘溫以補之茯苓澤瀉之鹹淡以滲之隨其病之所在以調之也既痞有濕惟宜上下分消其氣果有內實之證庶可畧與疎道世人苦於痞塞喜行利藥求速效暫時通快痞若再作益以滋甚是皆不察夫所謂下多亡陰之意也如結胃是實邪大陷胃湯主之痞是虛邪須諸瀉心湯散可也

諸瀉心湯有標本寒熱之殊

保命集云三陰三陽之標本治各不同有因寒藥而為熱痞大黃

黃連之類也。有因寒熱藥陰與陽不利而痞。大黃黃連加附子之類也。有因辛熱藥多而寒藥少者。陰盛陽虛而痞。半夏甘草生姜瀉心三方之類。瀉心湯者。非瀉心火之熱。瀉心下之痞也。通而論之。其藥陽多陰少。蓋病發於陰而得之大黃黃連瀉心湯。獨為陰心下痞。而脈疾一證。桂枝從用。從太陽浮弱所變。餘皆陰陽雜用。痞滿治例。

丹溪曰：痞滿之證不一。有因傷寒下早而作痞者。保嬰桂枝湯示

陷胃湯之類是也。○飲食填塞胃中而作痞者。保嬰東垣枳實

導滯丸。木香化滯湯之類是也。○飲食後因胃氣寒。飲食不消而

作痞者。宜吳茱萸砂仁藿香草豆蔻之類。溫以化之。○脾氣虛弱

轉運不調。飲食不化而作痞者。宜白朮山查神麩麥芽之類。以消

之。○大病後元氣未復。胃滿氣短者。補中益氣湯。陳皮枳朮

香枳木丸之類。○傷寒下多則亡陰而痞者。四物湯加參苓白朮

升麻柴胡。少佐以陳皮枳朮之類。○肥人心下痞滿。內有濕痰。留

飲宜蒼朮半夏砂仁茯苓滑石。瘦人心下痞。乃鬱熱在上。焦宜枳

實黃連。以導之。葛根升麻以發之。○大凡心下痞滿。須以黃連枳

實而參以脈證。虛實而調之。可也。痞有痰挾血成窠。裏者用桃仁

紅花香附大黃之類治之。○實痞大便秘者。厚朴枳朮湯。主之。虛

痞大便利者。芍藥陳皮治之。飲食倍傷而痞者。宜消導之。胃中空

塞上逆。凡丸欲吐者。因而越之。

治案

滑伯仁治一人苦胃中痞滿憤憤若怔忡狀頭目昏痛欲吐不吐
忽善忘時一臂偏痺脉之關已上溜而滑沉而有力曰積飲滯痰
橫於胃馬蓋得之厚味醇酒肥膩炙煇蓄熱而生濕濕聚而痰涎
宿飲皆上甚也王太僕云上甚不已吐而奪之治法宜吐俟春日
開明如法治之以物探喉中須更大吐黑色頑痰如膠錫者三四
升一二日更吐之三四次則胃中洞爽矣

正傳一人因夏秋勞苦冬間得痞滿證歷數醫皆與鍊氣耗散之
藥皆不效兩手關脉皆浮洪而絃濇關後脉皆沉伏此馬上有稠
痰脾土之氣敷阜肝木鬱而不伸當用吐法木鬱達之之理也

冬月降沉之時未可以行此法且先與豁痰疎肝氣瀉脾胃敷阜
之氣用平胃散加半夏茯苓青皮川芎草龍膽香附砂仁紫胡黃
連瓜蒌等藥病退十有三四待次年二月初旬為行倒倉法而安

藥方

痞滿通用劑

局方七氣湯 治七情所傷憂思鬱結厥府氣不和平心胃痞悶

半夏製

茯苓各二錢

厚朴製錢半

紫蘇葉一錢

右水盞半姜三片煎八分溫服

堧大消痞丸 治一切心下痞滿及年久不愈者

乾生薑

神麩炒

甘草各二錢

猪苓二錢半

澤瀉

厚朴製

砂仁各三錢

半夏製

陳皮去白

人參各四錢

枳實各半兩

黃連土炒

黃芩土炒各六錢

姜黃

白朮各一兩

右為末湯泡蒸餅丸小豆大每服五十九至百丸空心白湯下

東垣厚朴温中湯 治脾胃虛弱心腹脹滿疼痛時作時止

厚朴姜汁炒

陳皮去白各一錢

茯苓

草豆蔻

甘草

木香各五分

乾生薑一錢

水煎温服

東垣木香化滯湯一名消痞湯 治因憂氣鬱結中脘腹痛心下痞滿不思飲食

川歸

枳實炒各四分

陳皮

木香各六分

柴胡七分

甘草炙

草豆蔻各一錢 麩色煨

半夏錢半

紅花一分

水二盞姜五片煎八分温服

東垣黃連消痞丸 治心下痞滿壅滯不散煩熱喘促不安

澤瀉

姜黃各一錢

乾姜二錢

甘草炙

茯苓

白朮各三錢

陳皮半兩

猪苓半兩

枳實各七錢 麸炒

半夏製九錢

黃連一兩

木香錢半

黃芩二兩 炒

右為末蒸餅丸梧桐子大每服五十九白湯下

黃連消痞丸 治心下痞滿小便不利

黃連炒兩半

黃芩炒三錢

枳實一兩

乾姜二錢

茯苓

白朮炒

甘草炙各半兩

猪苓半兩

陳皮七錢 半

澤瀉一錢

半夏製一兩 三錢

姜黃錢半

古今醫統卷之二十一 六

砂仁三錢 厚朴製半

右為末蒸餅凡梧桐子大每服一百丸白湯送下

東垣失笑丸一名枳實消痞丸 治右關脉絃心下虛痞惡食倦急開胃進食

乾生姜一錢 甘草火 麥芽 白茯苓

白朮各二錢 半夏麩 人參各三錢 厚朴製四錢

枳實麩炒 黃連各半兩

右為末蒸餅凡梧桐子大每服七八十九白湯下

東垣大香順氣湯 治心腹脹滿

木香 益智 陳皮 草豆蔻各五分

厚朴姜炒 青皮各四分 茯苓 半夏各八分

乾薑 吳茱萸各三分 當歸 升麻

柴胡各一錢 水盞半煎八分溫服

東垣黃芩利馬丸 除胃熱利馬痰

生黃芩 炒黃芩各一兩 半夏 黃連

澤瀉各半兩 南星 枳殼炒 陳皮去白各三錢

白朮二錢 白礬 蘿蔔子 小皂角各一錢

右為末蒸餅凡梧桐子大每服五十九白湯忌酒麩雞魚肥膩

丹枳木丸 助胃消食寬中去痞

白朮四兩 枳實二兩

右為末荷葉包燒飯為丸梧桐子大每服五十九食後白湯下

丹橘皮枳木丸 治同前

橘皮

枳實

白木各等

如前法丸服

茱連丸 治痞滿

吳茱萸三兩

黃連八兩

右為細末米糊為丸梧桐子大每服五十九丸食後白湯下

治痞滿理氣諸劑

活人桔梗枳殼湯 治傷寒痞氣胃滿欲絕

桔梗

枳殼各三兩

右咀作三服每服水二盞煎一盞服

宣檳榔散 治傷寒陰證下後成痞滿而不痛按之虛軟

檳榔

枳殼等分

為末每服三錢黃連湯調下

寶鑑三腕痞氣丸 治三焦痞滿水飲停積

木香

白豆蔻

青皮

三稜各一兩

檳榔半兩

沉香

大腹子

陳皮各二兩

砂仁

沉香各半兩

右為末糊丸小豆大每服三十九丸加至六十九丸陳皮湯下

瀉劑散

仲景大黃黃連瀉心湯

治心下痞按之濡關上浮或寸沉關浮而有熱者

大黃二兩

黃連一兩

右劉以沸湯二升漬之須臾絞去渣分溫再服

仲景附子瀉心湯 治心下痞而復惡寒汗出脉沉遲也

大黃 二兩

黃芩

黃連 各一兩

附子 一枚炮去

右劉以麻沸湯漬之須臾絞去渣內附子汁分溫再服

仲景半夏瀉心湯 治汗下後身寒痞滿而嘔飲食不下脉微按之不

痛非散胡證

半夏 半升

黃芩

乾姜

人參 各三兩

黃連 一兩

甘草 炙二兩

大棗 十二枚

右水一斗煮六升去渣再煮取三升溫服一升日三服

仲景生姜瀉心湯 治汗下後胃中不利乾噎食臭自利腸鳴腹有

水氣而心下痞滿

半夏 半升

黃芩

人參 各三兩

黃連 一兩

甘草 炙二兩

大棗 十二枚

乾姜 一兩

生姜 四兩

右水一斗煮六升去滓再煮取三升服日三次

仲景甘草瀉心湯 治下後腹中雷鳴心下痞硬再下之痞益甚此非

結熱以其胃中虛客氣上逆也

半夏 半升

黃芩

甘草 各三兩

黃連

乾姜 各一兩

大棗 十二枚

煎法同上

仲景大陷胃湯 治傷寒下早而成結胸痞滿手不可按

小陷胃湯 治傷寒小結胸而痞不痛者 二方並見傷寒明

醫加味陷胃湯 治熱擁痞滿胃高痛或兩脇痛

枳殼 麩炒

桔梗 各四錢

半夏 泡

黃芩

瓜蒌子

黃連 各二錢

麥門冬 去心 二錢

右咀作二服每服姜五片水二盞煎八分食遠服利下即安凡

瘡利病後發熱留滯胃高及其飲酒過度胃滿結痛亦宜服此

神效一法只用小陷胃湯加桔梗枳殼其效

括萸實散 治胃脇痞滿胃中微痛背喘急妨悶

括萸實 另研

枳殼 麩炒

半夏 泡

桔梗 各等分

右為細末姜汁糊丸小豆大每服五十九丸姜湯下煎服亦可

破氣湯 治婦人氣上逆胃膈作痛滿悶

烏藥

香附子 各錢

紫蘼

陳皮

檀香

姜黃

砂仁

甘草 炙 錢半

右咀作二服每服水二盞姜三片葱一莖煎八分去渣入沉香

木香末各五分調服

金括萸疰白飲 治胃痞之病喘息咳唾短氣寸口脉沉而遲閉上

下緊數疰白白酒括萸飲主之

括萸實 一枚

疰白

白酒 二升

右三味同煮一升半分二服食後溫飲

醫開結枳實丸 一名木香 利膈丸 治濕痰飲胃高痞悶時作鳴聲

枳實 炒

白朮

半夏 製

南星 泡

明礬枯

大黃各半兩

牽牛頭末二兩

皂角皮

旋覆花各一兩

青皮

木香各五錢

右為末麩糊丸梧桐子大每服三十五丸米飲下

秘木香消痞丸

因憂氣鬱結中脘腹皮微痛心下痞滿不思飲食正所謂治氣不効須如此藥加當歸紅花香有効也

木香

乾姜各半兩

甘草炙

半夏各一兩

陳皮

歸尾各三錢

柴胡四錢

紅花五分

右為末酒糊丸小豆大每服七十九丸薑湯下

東加味補中益氣湯

治內傷心下痞

方元虛損內傷門

脈緩有痰而痞加半夏黃連○脈絃四肢滿硬更難治心下痞

加柴胡黃連甘草大便秘燥加黃連桃仁少加大黃當歸身○

心下痞控悶者加白芍黃連○心下痞腹脹加五味子白芍砂

仁如天寒少加乾姜或桂○心下痞中寒者加附子黃連○心

下痞嘔逆者加黃連生姜陳皮如天寒加黃連少入丁香藿香

能食而心下痞加黃連五分枳實三錢如不能食心下痞不可

加只依本方服

易簡諸方

斗門方

治胃高壅滯去痰開胃酒食所傷用半夏為末以姜汁

和作餅用濕紙包於慢火中煨令香熟水二盞用餅子一塊

入鹽五分煎一盞溫服

經驗方 治涼物過飽不消遂成痞滿用**馬牙硝**二兩治之良藥

芫半升 若煮取濃汁投硝乘熱服良久未轉更進一服立愈

千金方 治胃痺氣壅滿心膈不利**枳實**二兩麩炒為末無時以

粥飲調下

唐韋迪獨行 治卒得胃痛瘥而復作者用**雞根**五斤搗絞汁

飲之立止

